



Mi tingim bifo taim Flame stockfeed i bin nambawan kwaliti na value stockfeed bilong ol pik bilong mi...
nau emi kam bek!
WELKAM BEK!



O'Neill: Polis bai mekim wok painimaut

“Husat i givim tok orait long larim ol polisman wantaim gan i sutim ol sumatin?”



POLIS SUTIM YUNI SUMATIN... 23 sumatin bilong Yunivesiti ov PNG (UPNG) i kisim bagarap na stap long haus sik. 5-pela i kisim bikpela bagarap na stap long mak bilong dai. Poto i soim ol sumatin i kisim bagarap taim polisman i sutim ol long Waigani Kempas asde moning. Praim Minista Peter O'Neill i tok em bai tokim Polis Komisina Robert Atiyafa long kamapim wanpela Komisn ov Inkwairi.



PRAIM Minista Peter O'Neill i tok gavman bai kamapim wanpela Komisn ov Inkwairi (CoI) long mekim wok painimaut i go insait long polis i sutim ol sumatin bilong Yunivesiti ov PNG (UPNG) asde moning.

Ol witnes i tok ol polisman i sutim ol sumatin taim ol i laik stopim pisful protes mas i kamap asde moning long UPNG Kempas.

Oro Gavana Gary Juffa, husat i bin go raun long UPNG taim dispela hevi i kamap, i tokim Palamen olsem planti sumatin i kisim bikpela bagarap na sampela i stap long mak bilong dai taim polis i sutim ol long gan.

Polis Komisina Gari Baki i tok 23 sumatin bilong UPNG i kisim bagarap na i stap long Pot Mosbi Jeneral Haus Sik (POM Gen) na Gerehu Haus Sik wantaim.

Bos bilong Eksiden na Imejensi Diptamen bilong POM Gen, Dokta Sam Yakoupa, i tok 5-pela sumatin i kisim bikpela bagarap na i stap long mak bilong dai.

Praim Minista O'Neill i tokim Palamen asde moning olsem em bai no inap step daun o lusim sia bilong Praim Minista maski ol sumatin long UPNG i dai long nem bilong em long step daun.

Mista O'Neill i bin mekim dispela toktok long kwesten taim bilong Palamen taim em i bekim askim bilong Memba bilong Rabaul, Dokta Allan Marat.

“Husat i givim tok orait long larim ol polisman wantaim gan i sutim o sumatin husat i no gat gan nau (asde) moning long Fort Bena, UPNG?” Dokta Marat i askim.

Dokta Marat i askim tu sapos Mista O'Neill i ken bihainim lo na larim Polis Frod Skwat i intaviuim em bikos ol sumatin i laikim dispela long kamap na ol i mekim protes mas.

Mista O'Neill i bekim olsem em i no harim wanpela ripot long dispela hevi i kamap long UPNG.

Em i tok em bai askim Polis Minista Robert Atiyafa long givim ripot long dispela hevi i kamap long yunivesiti.

“Dispela em i polis meta nau. Gavman bai askim Polis Minista Robert Atiyafa long kamapim wanpela wok painimaut long sekim olsem wanem na watpo dispela hevi i kamap,” Mista O'Neill i tok.

Mista O'Neill i tok gavman i les long dispela kain hevi i kamap, na em i bin bekim olgeta toktok bilong ol sumatin we ol i bin raitim long petisen.

“Mipela i les long dispela (hevi) i kamap. Mi bin givim bekim bilong petisen bilong ol sumatin pinis,” Mista O'Neill i tok.

Dokta Marat i sutim toktok strong long Praim Minista O'Neill i mas bihainim lo, step daun na larim ol Polis Frod Skwat i intaviuim em.

“Step daun? Long wanem as?,” Mista O'Neill i bekim.

Ol minista i no bilip long toktok bilong Gavana Juffa

PLANTI ol gavman minista insait long Palamen asde moning i stap isi taim Praim Minista Peter O'Neill i makim han i go long sait bilong Oposisen na tok sampela ol Oposisen Memba i wok long sutim bel bilong ol yunivesiti sumatin long kamapim protes.

Praim Minista O'Neill i makim han i go long Oposisen na Oro Gavana Gary Juffa i stopim toktok bilong em wantaim poin ov oda.

Gavana Juffa i tok em i bin go lukluk long Yunivesiti

ov PNG (UPNG) Waigani Kempas asde moning, na i tok ol polisman i sutim ol sumatin na sampela i kisim bikipela bagarap taim katre i kisim ol.

"Dispela i no samting nating. Mi bin go lukluk raun long Waigani Kempas nau (asde) moning, na mi lukim ol polisman i sutim ol sumatin,"Gavana Juffa i tok.

Mista O'Neill i tok dispela kain raun bilong Juffa i soim olsem ol Oposisen Memba i stap baksait long ol sumatin na sutim toktok

long ol i mas kamapim protes.

Tasol Juffa i tok em i no hait na go long hap long nait. Tasol Polis Komisina Gari Baki i tok total namba bilong ol sumatin husat i kisim bagarap i sanap olsem 23.

Mista Baki i tok no gat wanpela sumatin i dai.

"Mi go long hap long sekim sapos sampela ol sumatin i kam long provins bilong mi, we Oro Provinsal Gavman i sponsaim ol, i stap gut o no gat.

"Sampela yumi gat ol

pikinini bilong mipela i stap long yuni. Dispela i no samting bilong lap.

Laip bilong man i lus na mipela i toktok long dispela," Mista Juffa i tok.

Mista O'Neill i bekim na tok dispela kain raun bilong Juffa i soim olsem ol Oposisen i sutim toktok long ol sumatin.

Tasol Mista Juffa i tok Mista O'Neill mas tokaut na tok stret long nem bilong Oposisen Memba husat i wok long sutim toktok long ol sumatin.

Long wankain taim, Gavana bilong Sauten Hailans, William Powi, i sapotim Praim Minista O'Neill na i tok i gat tupela wei tasol long makim na rausim Praim Minista na dispela em i long taim bilong Nesenel Ilekse na long flo bilong Palamen Haus.

"I gat tupela wei tasol i stap. Em i flo bilong Palamen na long taim bilong ilekseen. Dispela em i tupela wei we ol pipel i ken makim na rausim Praim Minista,"Mista Powi i tok.



Oro Gavana Gary Juffa

Gavman givim bikipela mani long distrik

PRAIM Minista Peter O'Neill i tok gavman i wok long givim planti mani i go stret long distrik na provins.

Dispela kain sistem bilong givim mani i go stret long wan wan distrik na provins i no bin stap bipo.

Tasol taim nupela gavman i kam insait long yia 2012, Praim

Minista O'Neill i tok gavman i stat long givim mani stret i go long pipel.

"Dispela gavman i givim K10 milien Distrik Impruvmen Sevis Program (DSIP) i go long wan wan distrik long olgeta yia.

"Dispela mani em i bikipela mani tru. K3 milien i ken go long edukesen, K2 milien bilong helt,

K4 milien bilong infrastraksa, K1 milien bilong iekonomik impruvmen long ples.

"Sapos ol memba i no yusim gut dispela mani, Opis bilong Odita Jeneral na Fainens Dipatmen i ken lukluk gen long stretim dispela sistem,"Mista O'Neill i tok.

Mista O'Neill i mekim dispela

toktok long Palamen long dispela wik Tunde taim em i laik bekim askim bilong Memba bilong Lae, Loujaya Kouza.

Mis Kouza i bin askim Praim Minista sapos i gavman i gat sampela lo long sekim olsem wanem ol memba na administreta i yusim DSIP mani.

Palamen bai givim tok orait long LNG mani

PALAMEN bai givim tok orait long larim gavman i givim ol mani bilong olgeta papagraun bilong PNG LNG Projek.

Minista bilong Petroleum na Eneji, Ben Micah, i tokim Palamen long Mande dispela wik olsem gavman bai givim aut ol mani bilong olgeta papagraun taim em i pinisim wanpela ripot na givim i go long palamen long skelim.

"Taim mi kamap nupela minista bilong Petroleum na Eneji, mi bin kamapim wanpela miting long Pot Mosbi na singautim olgeta papagraun lida na ol lida bilong wan wan LNG imppektet provins long tokaut long ol hevi ol i wok long bungim.

"Mi kisim dispela ripot na bai mi kamapim wanpela ripot. Mi bai kamautim dispela ripot long Palamen, na dispela bai tok long olsem wane mol papagraun bai kisim mani.

"Mi laik askim olgeta papagraun long wokbung wantaim mi. Mi laik askim ol kampani tu long wokbung wantaim mi na yumi olgeta i mas wok wantaim long stretim dispela hevi,"Mista Micah i tok.

Em i mekim dispela toktok taim em i laik bekim askim bilong Memba bilong Kairuku-Hiri Peter Isoaimo.

Mista Isoaimo i bin askim wanem taim gavman bai peim ol papagraun long Caution Bay long PNG LNG Plent Sait.

PNG gat moa long 7.3 milien manmeri

POPULESEN bilong kantri em i stap namel long 7.3 na 10 milien manmeri, Nesenel Plening Minista Charles Abel i tok.

Minista Abel i tok Nesenel Senses i kamap long yia 2011 i painimaut olsem total populesen bilong kantri i sanap moa long 7.3

milien manmeri.

Mista Abel i mekim dispela toktok long Palamen long Tunde dispela wik taim em i bekim askim bilong Oro Gavana Gary Juffa.

Gavana Juffa i askim Mista Abel long tokaut long populesen bilong PNG bikos gavman mas save

long namba bilong manmeri long plen na skelim ol risos long givim sevis na kirapim kantri.

"Populesen bilong kantri i wok long gro long 3 pesen long wan wan yia. Long yia 2011 taim Nesenel Statitikel Opis (NSO) i bin karimaut Nesenel Senses long

kauntim namba bilong manmeri, ol i bin rekotim 7.3 milien manmeri long PNG,"Mista Abel i tok.

Em i tok dispela namba bai go antap nau, na i luk olsem total populesen bilong manmeri bai nau sanap namel long 7.3 na 10 milien manmeri.

Dipatmen bihainim polisi long givim mani

DIPATMEN bilong Nesenel Plening i wok long bihainim ol polisi long givim mani i go aut.

Pastaim ol minista na seketeri bilong dipatmen i save gat sampela kain pawa long givim mani i go aut long laik bilong ol yet.

Nau gavman i senisim dispela ol polisi we ol mani bilong gavman nau i wok long go aut long ol samting we polisi i luksave pinis long larim gavman fanding i ken kamap.

Minista bilong Nesenel Plening Charles Abel i autim dispela tok-

tok long Palamen long Tunde dispela wik taim Oro Gavana Garry Juffa i askim wanem kain polisi i stap long kontrolim mani bilong gavman na stopim pasin korapsen.

"Taim dispela gavman i kam insait, mipela i kamapim nupela polisi long larim gavman fanding i baihainim ol polisi.

"Mipela i gat Milenium Developmen Gol (MDG), Midium Tem Developmen Strateji (MTDS), Visen 2050 na arapela ol polisi i stap.

"Gavman fanding i wok long bihainim ol dispela polisi. Minista na seketeri bilong dipatmen nau i no gat pawa long yusim gavman mani long laik bilong tupela,"Mista Abel i tok.

Em i tok bipo Minista bilong Nesenel Plening Paul Tiensten i nau stap long Bomana haus kalabus bikos em i no bin yusim gavman mani gut.

Wankain olsem Tiensten, gavman i bin rausim na kotim arapela 25 opisa bilong Nesenel Plening Diptamen bikos ol i bin

mekim ol paul pilai na mekim pasin korapsen we i lukim planti mani bilong gavman i lus long han bilong ol.

"Mi amamas long Investigesen Task Fos Swuip na Polis Frod Skwat i wok long mekim gutpela wok long daunim level bilong stil pasin na pasin korapsen,"Mista Abel i tok.

Em i tokgavman i wok long givim K5 milien long olgeta yia long Opis bilong Odita Jeneral long sekim gut sapos ol gavman dipatmen na ejensi i yusim gut pablik mani.

Mai: Apim TCS bilong Ok Tedi

GAVMAN i mas apim mani mak bilong Takis Kredit Skim (TCS) bilong Ok Tedi Maining Limited (OTML) long kirapim infrastraksa developmen long ol projek eria.

Gavana bilong Wes Sepik, Amkat Mai, i askim Praim Minista Peter O'Neill sapos gavman i ken askim OTML long apim TCS i go antap na larim OTML i bringim planti nupela developmen olsem nupela rot long Tabubil na Telefomin.

"Telefomin na Tabubil rot em i wanpela namba wan developmen

projek bilong kantri.

"Taim ol i bin mekim fisibiliti stadi long yia 2012, ol i bin tok rot long joinim Telefomin long Wes Sepik na Tabubil long Westen Provins bai nidim K160 milien.

"Ol konstraksen wok i stat pinis. Mi laik askim gavman sapos em i ken apim dispela 0.75 pesen i go antap long 1.5 pesen o 1.25 pesen.

"Dispela mani bai go long pinisim konstraksen wok long dispela rot. Mi laikim gavman long givim namba wan luksave long dispela rot bikos em bai bringim planti

gutpela benefit long ol pipel bilong yumi long tripela provins.

"Dispela rot bai bringim sevis na kirapim ikonomi bilong Westen, Wes Sepik na Hela provins. Plen bilong dispela rot em long joinim Tabubil, Telefomin na Kopiago (Hela).

"Narapela as em long daunim ol birua bilong balus i kres. Las taim tasol wanpela liklik balus i stap long Telefomin na i karim pasindia i go long Kiunga tasol balus i bungim birua na em i kres.

"Pailot wantaim 12-pela pasin-



Wes Sepik Gavana, Amkat Mai (Ilephan), wantaim Memba bilong Mendi, De Kewanu long Palamen Haus long Mande dispela wik.

dia, husat i pipel bilong mi long Wes Sepik, i dai na mi les long dispela kain hevi i kamap.

"Dispela rot bai daunim mak bi-

long dispela kain hevi na larim ol pipel i muv go kam seif,"Mista Mai i tok.

Klaimet senis toktok i no ken stop

OL lida na delegesen bilong 79 memba kantri bilong Afrika, Pasifik na Keribien (ACP) i kisim wanpela bikpela salens toktok i kam long tupela praim minista bilong Pasifik ailan kantri.

Praim Minista Peter O'Neill bilong PNG, na Praim Minista bilong Samoa, Dokta Tuilaepa Aiono Sailele Malielegaoi, i salensim ol lida bilong ACP long bung wantaim na sapotim ol liklik ailan kantri insait long ACP long daunim ol hevi na birua bilong klaimet senis.

Tupela praim minista i tokim ol lida bilong ACP olsem wanpela bikpela birua we ol liklik ailan kantri bilong Afrika, Keribien na Pasifik i wok long bungim em i birua bilong klaimet senis.

Praim Minista O'Neill na Praim Minista Malielegaoi i toktok strong long dispela bikpela birua long Namba 8 Bung bilong ol Het ov Stet na Het ov Gavman bilong ACP kantri long Pot Mosbi long las wik Tunde.

Praim Minista O'Neill i tok intanesenel komyuniti i no mekim eksen long daunim hevi bilong klaimet senis.

Em i tok intanesenel komyuniti i mas sanap na stretim ol birua bilong klaimet senis.

"Birua na hevi bilong klaimet senis em i kamap pinis long Pasifik. Strongpela win long Vanuatu na Fiji klostu taim tasol, we i bin bagarapim laip na ol arapela samting, i soim olsem birua bilong klaimet senis i kamap pinis," Mista O'Neill i tok.

Praim Minista Malielegaoi, husat i bin makim maus bilong ol ailan kantri bilong Pasifik, i tok birua bilong klaimet senis em i wanpela bikpela toktok.

Mugabe apim nem bilong PNG



Presiden Robert Mugabe bilong Zimbabwe

PRESIDEN bilong Zimbabwe, Robert Mugabe na Vais Presiden bilong Sierra Leone, Victor Bockarie Foh, i amamas stret long PNG i go pas long namba 8 bung bilong ol het ov stet na gavman bilong Afrika, Pasifik na Keribien (ACP).

Dispela bung i bin kamap long Pot Mosbi long Me 31 i go inap Jun 1 na moa long 50 delegesen i kam long 79 memba kantri bilong ACP Grup ov Stet i bin bung long dispela bikpela bung.

Taim ol i laik pinisim dispela bung long las wik Trinde, tupela lida bilong Afrika i bin amamas na wanbel stret long olgeta samting PNG gavman na pipel i mekim long dispela bikpela bung i kamap long Pot Mosbi.

Vais-Presiden Bockarie Foh, i bin kra i na rausim ai wara bilong em taim em i makim

maus bilong ol arapela ACP lida na givim tok teknyu i go long Gavman na pipel bilong PNG.

Mista Bockarie Foh i bin kra i bikos em bin amamas stret na wanbel long dispela bung we PNG gavman i bin go pas na pinisim gut tru stret.

"PNG i no inap long holim dispela bung. Tasol wanpela kantri long Keribien husat inap long go pas long dispela bung i sot long mani.

"Mi laik tok tenkyu long gavman bilong PNG, Praim Minista Peter O'Neill, na ol manmeri long gutpela pasin ol i soim long ol lida bilong ACP kantri long dispela bung," Mista Bockarie i tok.

Em i tok PNG i soim gutpela pasin long ol lida na em i makim maus bilong ol lida na tok tenkyu.

Presiden bilong Zimbabwe, Robert Mugabe, i tok e i kirap

long save olsem PNG i gat moa long 800 kain kain tokples tasol ol manmeri i stap long yuniti aninit long w a n p e l a kantri.

"Dispela em i namba wan taim bilong mi long kam long PNG. Na mi paininaut olsem pasin demokrasi em istrong tumas long PNG.

"Long dispela bung, mi wanbel tru olsem yumi autim gutpela toktok long stretim bihain bilong ACP taim Cotonou Agrimen i pinis long yia 2020.

"PNG i go pas gut tru long dispela bung na mi wanbel tru long gutpela pasin Praim Minista Peter O'Neill, gavman na pipel bilong PNG i bin soim

long ol lida," Dokta Mugabe i tok.

Dokta Mugabe i go bek gen long kantri bilong em long Trinde apinun tasol Mista Bockarie Foh i wanbel long raun liklik na go bek.

"Mi laik kambek gen long bihain taim. Mi laikim Sierra Leone na PNG long strongim pasin poroman na mi bai go bek long kantri bilong mi na tokim gavman long stretim ol samting long kamapim poroman," Mista Bockarie Foh i tok.

Pato go pas long bung bilong ol ACP minista

FOREN Afes na Imagresen Minista bilong PNG, Ribink Pato, i go pas long bung bilong ol kaunsil ov minista na ol foren afes minista long Afrika, Keribien na Pasifik (ACP) Grup ov Stet.

Ol kaunsil ov ministas na kaunsil ov minista bilong foren afeas long ACP i bin sindaun wantaim long wanpela bung ol i kolim join sesen long Mande dispela wik.

Taim ol i wetim Namba 8 ACP Bung bilong ol Het ov Stet na Gavman long stat long las wik Tunde, ol dispela minista i bin sindaun long dispela bung, na i bin wanbel ol agenda na program bilong dispela bung we i kamap long Pot Mosbi long Me 30 na 31 na Jun 1, 2016.

Minista Pato, na Minista bilong Plening, Statistiks, na Rijonal Inte-



Abesada Joshua Kalinoe bilong PNG, Asisten Seketeri Jeneral bilong ACP Grup, Ambesada Leonard Ognimba, Siaman bilong ACP Komiti ov Ambesadas, Ambesada Roger Menda bilong Congo, Mis Ebouka-Babackas, Mista Pato.

geresen bilong Kongo, Ingrid Olga Ghislaine Ebouka-Babackas, i bin kamap siaman na siameri bilong dispela join miting.

Mis Ebouka-Babackas em i presiden-in-ofis bilong ACP kaunsil ov ministas.

Ol minista i bin bung wantaim

na glasim gut ol namba wan agenda na ol program bilong dispela bung.

As bilong dispela bung em long stretim gen ACP Grup long lukluk long sampela ol salens bilong sastenebel developmen.

Ol minista i luksave olsem, long

kamap sastenebel developmen, ol ACP kantri i mas kamapim bel isi (pis), gutpela sekyuriti na politikel stabiliti long wok bilong ol wan wan ACP memba kantri.

Ol minista i bin glasim gen wanpela ripot bilong kaunsil ov minista we dispela ripot i toktok long politikel na ogenesesen developmen.

Ol i lukluk gen long sampela ol wok ol i bin kamapim aninit long ACP-EU patnasip long sait bilong sastenebel ikonmik developmen, treid, human developmen, pis na sekyuriti.

Ol minista i bin toktok long ol global developmen olsem ol sastenebel developmen gol, ol toktok bilong namba 10 WTO ministerial konpresen long Nairobi, na Paris Agrimen long Klaimet Senis.

Dispela ol samting i toktok long ol hevi na salens ol ACP memba kantri i save bungim, na dispela bung bilong ol minista i toktok long stretim gen sampela ol hevi na salens ol wan wan ACP kantri i bungim.

Ol minista i bin luksave long sampela ol eksen bilong ACP Kaunsil, Komiti ov Ambesadas na ACP Seketeriat long strongim Saut-Saut na Traingula Koperesen namel long ol ACP memba kantri, strongim toktok bilong tred na strongim wok bilong ACP long stretim klaimet senis.

Pay for Air Niugini Tickets via BSP Mobile Banking

Obtain a booking reference from Air Niugini website www.airniugini.com.pg, Call Centre on 180 3444 or any Sales Office prior to making the payment.

Dial *277# To Pay

Available to bmobile-vodafone & Digicel subscribers. Mobile service charges apply.



320 1212 / 7030 1212 - 24/7
 servicebsp@bsp.com.pg
www.bsp.com.pg

Yuropien Yunien helpim long El Nino disasta

YUROPIEN Yunien (EU) Komisina bilong Intanesenel Kopresen na Developmen, Neven Mimica, i tokaut long EU bai sapatim Papua Niugini wantaim EUR5 milien long helpim wantaim ol hevi we i bin kamap long taim bilong El Nino.

Komisina Mimica i bin mekim dispela toktok long taim em i bin kamap long Pot

Mosbi las wik long stap insait long namba 8 Samit o kibung bilong Afrika, Karibien na Pasifik (ACP)) Het ov Stet na Gavman.

EU Komisina i tok: "Mi save olsem El Niño long Papua Niugini i bin kamapim longpela taim drai sisen stat long Me 2015 na em i bagarapim tru sabsistens egrikalsa na i kamapim birua long ol kaikai

bilong ol famili, moa long ol lain husat i save stap long ol maunten ples we ol i bin lukim olgeta kaikai gaden na ol bus bilong ol i kisim bagarap long ais".

"Mi amamas long tokaut olsem Yuropien Yunien bai sapatim wok bilong Gavman wantaim mani mak bilong Eur5 milien, long bringim imejensi rilif na longpela taim

solusen we bai helpim ol pipel long stap strong na long ol rurel populesen bai stap redi gut long kain hevi bilong klaimet bai kamap gen." Komisina Mimica i tok.

Sapot mekpas bilong EU i gat € 2 milien i kam long humaniterien eid long bringim imejensi sapot long ol lain famili husat i kisim bagarap tru long Westen, Hela, Enga



EU Komisina bilong Intanesenel Kopresen na Developmen, Neven Mimica i toktok long taim bilong 8 ACP Samit long Pot Mosbi las wik Tunde. Poto: EU Kantri opis long Pot Mosbi.

na Simbu provins. Dispela helpim we bai kamap aninit long Yuropien Komisen Humaiterien Eid na Sivel Proteksen dipatmen (ECHO), bai lukluk long helpim wantaim ol kaikai i go long ol komyuniti long helpim 180 000 pipel.

"Senis bilong klaimet long Papua Niugini i wok long senisim we bilong kisim kaikai long wan wan de inap planti mun, na dispela i kamapim bikpela wari long kaikai saplai," Christos Stylianides, EU Komisina bilong Eid na Kraisis Menesmen i tok.

"Dispela kontribusen bilong Yuropien Komisen bai helpim ol lain i no gat samting tru, long ol i no ken moa go bek long kain pasin olsem lusim kaikai long wanpela taim bilong narapela taim olsem bai ol i no ken dai long hangre." Em i tok.

Las EUR 3milien i stap yet em i wanpela hap bilong €14.5 milien sapot we Komisina Mimica i tokaut long en bilong helpim Pasifik rijon long strongim kaikai sekyuriti na long strongim we bilong sanap strong long taim bilong hevi na hangre long ol kain kantri we i save painim hevi tru olsem long Papua Niugini, Timor-Leste, Fiji, Marshal Islands, Micronesia na Palau.

Moa sapot long fainens em bilong helpim ol dispela kantri long kamapim gut ol kaikai nutrisen sekyuriti bilong ol pipel na tu long: Strongim ol sistem bilong graun na wara menesmen na long helt bilong graun long kamap gut; Strongim wok bilong senisim ol krop wantaim lokal sit multiplikesen na distribusen mekenisem olsem nupela kain sit bilong planim long ol komyuniti husat i gat nid.



PABLIK NOTIS

TAMBU LONG RANIM "HI LO LOTERI"

Dispela toksave i go aut long olgeta pablik olsem pasin bilong pilai laki loteri ol i save kolim long **"Hi/Lo"** em i no bihainim lo, na lo i bin tokaut long dispela long de 14 bilong mun Februeri 2008 insait long **Nesanel Gaset Notis G22** na Nesanel Geming Kontrol Bod i wanbel olsem notis bilong gaset em i trupela aninit long **Seksen 5(3) bilong Geming Kontrol Ekt 2007**.

Bod i save long ol wan wan man na meri husat i wok long yusim ol Interim Oda bilong 18 Epril 2008 long ranawe long loa i holim pasim ol na kotim ol long ol i ranim yet ol gem bilong Hi/Lo. Tasol, dispela em bilong tok save long olgeta pablik olsem Interim Oda bilong 18 Epril 2008 em Waigani Nesanel Kot i bin rausim pinis long 19 Me 2008. Long wankain taim mipela i bin kisim tok save olsem i gat wan wan man na meri husat i bin raitim pepa notis na givim aut tok orait bilong ranim yet Hi/Lo gem.

Aninit long **Geming Kontrol Ekt 2007** Nesanel Geming Kontrol Bod em i **wanpela Gavman Bodi tasol we i gat pawa long kamapim lo na givim laisens bilong olgeta kain pasin bilong loteri gem aninit long lo bilong ol Loteri gem. Olsem na i no gat wanpela narapela Gavman Bodi long Nesanel na Provinsal level we i gat pawa long mekim dispela.**

Ol dispela wan wan man na meri i no gat rispek long lo bilong dispela kantri. Sapos mipela i painimaut long wanpela man o meri husat i wok long helpim ol lain long wokim pasin bilong laki we i brukim lo o em yet i wok long ranim loteri gem Hi/Lo, kot bai sasim em long baim kot fi long K5 000 o go long kalabus inap long 12-pela mun o tupela kain mekim save wantaim.

Long dispela as, mi laik singaut long olgeta lain husat i wok long ranim ol hait laki loteri bisnis bilong Hi/Lo long stopim na rausim olgeta Hi/Lo masin.

Sapos ol pablik manmeri i gat save long dispela kain pasin bilong pilai loteri i stap, plis toksave long opis bilong mipela long telepon namba 320 1907 o long feks namba 320 1908. Mipela bai haitim olgeta toksave bilong yu na i no inap tokaut long narapela.

Tok Orait i kam long:
Imelda Agon
Sif Eksektiv Opisa.



Wantok niuspepa i laikim ol eijen insait long Madang, Kimbe, Kundiawa, Wewak, Jiwaka, Tari, Kiunga, Tabubil, Daru, Kerema, Manus, Kavieng na Alotau long salim niuspepa bilong mipela.

Mipela i laikim ol Eijen long distributim niuspepa long dispela ol ples antap hariap tru!

Sapos yu ting yu em rait man o meri long dispela wok, ringim Sekulesen Supavisor bilong mipela long Fon: 325 2500 o Mobail namba: 7384 6688 o email i kam long: seovo@wantokniuspepa.com



PIH Saveman Nius

"I kam long Pacific International Hospital Port Moresby"

Ph: 311 3000 and 799 88000 Website: www.pihpng.com

Blood Donation - You have the power to *be the difference*



ternationally, which, every evidently, is far from enough.

As compared to other medicinal requirements, blood is not manufacturable, hence the dependency on physical donations are high. One unit of blood can save up to three lives with different requirements, with the ability to derive transferable components - red blood cells, platelets, plasma, and cryo-precipitates. These components can help save a host of lives, such as:

Victims of car accidents, disasters, trauma, and massive blood loss
Leukemia and other patients undergoing bone marrow transplants



Patients suffering from Anaemia and Haemophilia

Patients undergoing organ transplants and heart surgeries

Donating blood can save

not one but three lives, and the potential for making a difference in the world in huge. Organizing a blood donation camp or drive is the best way to do your bit for the patients requiring blood. It's easy to organize and absolutely safe for the donors. In the light of the upcoming world **Blood Donor's Day on June 14**, you can collaborate with us at Pacific International Hospital for executing a blood donation camp.

Blood donation is a safe and healthy process, using only sterile syringes and collection equipment. Every donor is medically examined for an assurance of their capability to donate blood and their appropriate safety.

The physical examination includes an

analysis of temperature, haemoglobin count, pulse and blood pressure. However, one also needs to ensure the fulfillment of the following criteria before donating blood:

One must be aged between 18 and 70 years

One must not be suffering from a cold, flu or any other illness

One must not have donated blood in the last 12 weeks


One must possess a minimum haemoglobin level of 12.5 g/dl

One must weigh at least 45 Kg

With every healthy donor having the ability to donate blood for every three months, the global demand for blood can be successfully and sufficiently met with.

Making a difference in society does not necessarily have to be a long and arduous process. It can be as simple and effective as donating blood which takes hardly about 10 mins. This World Blood donor's Day, donate an unit of blood and make a difference.

Medical reports and analysis across the globe have found that there is a rise in the number of blood transfusions, and consequently, in the demand for blood. From newborn babies to aged people, people across age groups are in need of blood due to circumstances ranging from accidents and surgeries to diseases. With an annual demand of 150 million units of blood, presently only 88 million units are collected in-



Victims of second and third degree burns

Premature infants and young patients suffering from cancer or undergoing heart surgeries



PIH Clinic at Vision City Always there for you



- General Physician
- 2 Daycare beds
- Specialist Referral & Appointment
- Sample Collection Facility
- Ambulance Service
- Pre-Employment & Annual Health Checks
- Vaccination
- Pharmacy
- PIH & Specialist Clinics at 3Mile
- Blood Donation
- Dental*
- Minor Surgery and PAP Smear

Now Open | 9:00 AM to 9:00 PM | 7 days a week

Madang Festival program i kamap gen

James G. Kila i raitim

**WOK REDI bilong kamapim ol se-
lebresen bilong Madang Festival
long dispela Kwins Betde wiken i
go orait tasol.**

Madang Festival Ogenaising Komiti siaman, Leo Berka i tokaut olsem ol wok redi long holim kamap dispela bikpela festival stat long Jun 10 i go 13 i ran orait tasol na em i amamas long ol lain bisnis komyuniti na ol spona long Madang long sapot ol i givim.

Mista Berka i tokaut olsem long Fraide, Jun 10 bai festival i stat wantaim Mis Madang Kwin resis na dispela em bikpela kampani Brian Bell i sapotim olsem spona. Madang Kwin resis bai lukim ol yangpela meri i bilas na soim ol stail long stes long ol westen klos na tumbuna bilas na tu sampela jas bai askim kwesten na ol dispela meri bai bekim long skelim save bilong ol. Dispela bai kamap long Madang Risot Hotel long Fraide nait.

Ol bikpela program bilong festival bai kamap long Sarere na Sande, wantaim ol tumbuna singsing long Laiwaden oval. Bai l



Ol lain singsing grup bilong Madang samsam long las yia festival. Foto: James G. Kila

gat ol laip musik ben i pilai we ol biknem musik atis bilong Madang bai pilai long Laiwaden oval.

Mista Berka i tok olsem ol festival komiti i makim Mande, Jun 13 olsem koporet spots de we bai lukim ol bisnis haus i spona long

ol spots olsem tas ragbi, fising, junia soka na golp. Bai i gat tu ol kanu resis we bai kamap long naispela solwara na nambis bilong Madang.

Mista Berka i tok olsem Madang Festival i laik promotim nem bilong

Madang provins olsem long Papua Niugini em i naispela ples na em seif long ol manmeri long stap na wok na ol outsait lain i ken go raun na amamas long lukim ples.

"Mipela long Madang Festival komiti i kisim gutpela sapot i kam

long ol bisnis haus na komyuniti long Madang. Moa long en polis long Madang i redi long givim sapot long sekyuriti long nait, "Mista Berka i tok

Ol bikpela program bilong Madang Festival long Laiwaden oval bai kamap long Sarere na Sande, Jun 11 na 12 na dispela bai lukim ol naispela kala tumbuna singsing we bai kam long olgeta 6-pela distrik long provins tu na ol grup bilong arapela provins long PNG husat i stap long Madang.

Mista Berka i tokaut tu olsem dispela yia Madang Festival bai lukim tu sampela grup bilong arapela kantri i soim stail na pasin kalsa bilong ol long Madang. Sampela long ol dispela lain em ol intenesenel komyuniti husat i stap wok long Madang na bai amamas long soim pasin kalsa bilong ol na amamas wantaim ol pipel bilong Madang na PNG.

Narapela nupela samting we bai bringim amamas long Madang Festival tu em Sigma Konstraksen Ain Man Resis. Dispela ain mas resis bai lukim ol man i resis long wilwil, ran na swim long go pas na winim resis.

PNG Loop i kisim 2 milien rida mak long mobail fon

LOOP PNG, wanpela niuspepa bilong intenet nau i stap long kantri aninit long Trend Media Pasifik, i brukim rekot long kisim moa long 2 milien lain long ritim ol nius pes bilong en long intenet insait long mun Me 2016.

Dispela bikpela mak i soim olsem planti rita bilong Loop PNG i yusim ol mobail fon bilong ol insait long mun Me.

Long Tunde Me 31, Loop PNG i kisim mak bilong 2,310,413 long ol pipel i ritim nius long dispela nius ples wantaim ol mobail fon bilong ol.

Nius Dairekta bilong Loop PNG Alfred Kaniniba i tok, mak ol i bin putim bilong kisim long mun Me em 1,489,695, tasol namba i abrusim dispela mak wantaim 820,718 moa lain i lukim nius long PNG Loop long brukim rekot olsem.

Mista Kaniniba i tok Loop PNG i wok long kamap wantaim ol nupela stori yet long wan wan de na au na ol nius i karamapim olgeta samting na long taim stret long nius i kamap.

"Bikos em i nupela nius stret i save kamap, mipela nau i wok long lukim olsem planti lain i save go insait long websait long ritim nius bilong mipela long kisim save long wanem samting i wok long kamap long asples," em i tok.

Mista Kaniniba i tok moa olsem Loop PNG i wok long pulim ai bilong ol pipel husat i laik long ritim stori long nau tasol.



Loop PNG Editoriel Tim wantaim Nius Dairekta – Alfred Kaniniba. Foto: PNG Loop.

"Planti lain husat i go insait i lukim olsem ol inap long ritim stori bilong wanem samting i kamap tude long tude yet.

Ol i no inap we inap tumora long ritim nius bilong tude. Em yu opim Digicel fon bilong yu tasol na em bai stap long han bilong yu," Kaniniba i tok.

Em i tok dispela em i gutpela tumas long lukim kain senis i kamap long nius midia format we inap long kisim olgeta lain.

Nius Dairekta i givim luksave long Trend Media, menesmen we i go pas long givim strong long Loop long bihainim dispela rot na tu long ol wokman na wokmeri

long kisim ol mak bilong ol insait long ol 5-pela mun i go pinis aninit long lidasip bilong em.

Dispela em i namba 5 mun long 2016 Loop PNG i kisim rekot bilong wan milien lain i go insait long Loop sait.

Long Janueri 31, 2016 Loop PNGi kisim rekot bilong 1,063,859 lain i

lukim ol pes bilong Loop nius long intenet, long mun Februeri, 1,065,437 lain i lukim ol nius pes, long mun Mas 31, 1,173,291 na long mun Epril 1,354,268 lain i ritim o lukim pes long Loop PNG nius na long mun Me em i brukim rekot olgeta wantaim 2,310,413.

Klaut pairap i kukim diwai na katim pawa

James G. Kila i raitim

MADANG taun i lukim bikipela ren stret long Mande nait, Jun 6 stat long 9-klok wantaim bikipela klaut i pairap na mekim planti lain i pret.

Long Tunde moning ol wok lain bilong Raibus Enjiniering Limited (REL) long Madang i guria stret long lukim wanpela traipela marmar diwai klaut i pairap long nait na i rausim skin bilong. Narapela samting tu em klaut pairap i brukim na katim wanpela lait swis long wanpela pos i stap arere long dispela diwai.

Ol wokman bilong REL i guria na tingting planti tru bikos klaut i wokim narakain samting tru we ol no save lukim pastaim.

“Strong bilong nesa o samting

Papa God i kamapim em strong moa na i katim strongpela plastik bilong pawa swits na rausim skin bilong diwai olsem senso i rausim,” REL graun kru wokman, Paul bilong Shimbu i tok.

Dispela diwai we i stap namel long kompaun bilong MCC banis i gat kain kain stori bilong en we ol wokman long graun kru bilong REL yet i save.

Las mun tasol wanpela bikipela sinek i pundaun kamdaun long dispela diwai bihain long wanpela bikipela Tarangau pisin i traim long holim em antap long han bilong marmar diwai.

Ol wokman bilong REL i tok ating ol yangpela bebi snek antap long dispela marmar diwai em klaut pairap i mas kukim ol indai o nogat?



Tupela wokman bilong REL Thomas Mara wantaim Dismas i poin long pawa swits laiting i brukim long nait. Ol Poto: James G. Kila

Polis Minista tok lukaut

...Long bagarapim propeti na wokim ripot i no stret

POLIS Minista na Mema bilong Hensganofi Open, Robert Atiyafa, i tok lukaut long ol lain husat i tingting o i wok long bagarapim na kukim ol bilding, kar na brukim ol stoa bikos ol bai holim pasim na sasim ol.

Mista Atiyafa i tok em i kisim ol ripot long kukim ol haus slip na ol arapela bilding insait long yunivesiti na tu, ol i bagarapim sampela polis kar.

Em i tok em mi kisim tu ol ripot long ol i mekim nabaut long sampela sumatin bikos ol i no laik go insait long protes na ol i laik go bek long skul.

Em i tok ol i save

olsem ol lain i go pas long dispela protes i no ol sumatin.

Em i tok ol polis i mekim ol wok painim na ol bai holim pasim ol lain husat i wokim ol trabel.

Em i tok ol sumatin husat i brukim lo bai kisim mekim save aninit long loa.

Em i tok pasin we ol i wokim em ool i no tingting gut na wokim, na sampela i bagarapim skul bilong ol long ol samting ol i wokim long tude.

Em i tok situesen o stap long Mosbi nau i orait na ol wok i ran gut bihain long ol hevi i bin kamap long moning.

Minista i no wanbel

tu long ol ripot i kamap long ABC redio we i tok sampela sumatin i dai insait long dispela trabel wantaim ol polis, na nius i go aut pinis long wol.

Minista Atiyafa i tok ABC i save tok em tasol i wanpela intanesenel ogenaissen long wol we i gat opis na woklain long PNG na tude, ol i semim ol yet.

Em i tok ol arapela intanesenel nius ogenaissen long wol i save kisim ol nius bilong ol long ABC, tasol bikipela stori ol i ranim tude em ripot bilong 4-pela sumatin i dai nan a 7-pela i kisim bagarap i no tru.

“Moabeta ABC i kisim gut ol ripot pastaim bipo em i raitim na putim long nius .

“Dispela nius i no tru i go aut pinis long ol bikipela nius ejensi long wol olsem

CNN, Reuters, The Sydney Morning Herald, the Guardian na planti narapela moa.

“I gat ol ripot olsem ol i stopim ol intanesenel ran bilong balus i kam long ABC bikos long giaman ripot bilong ABC.

“Mi tokim yu ABC kisim gut ol trupela toktok pastaim na maski long semim yu yet na niusim ol ripot i no tru long PNG,” Minister Atiyafa i tok.

K5 milien bilong Sinivit LLG rot

MINERAL Risos Atoriti (MRA) bai givim K5 milien long helpim Pomio distrik i stretim gen Sinivit LLG rot.

Dispela rot em i go long Sinivit gol maining, tasol i bin bagarap na i hat long ol kar i go.

Minista bilong Maining, Byron Chan, i autim dispela toktok long Tunde dispela wik long Palamen taim Mema bilong Pomio, Elias Kapavore, i askim long wanem taim stret ol pipel bai lukim nupela rot.

Mista Kapavore i tok Sinivit rot i bagarap olgeta na em i nidim



Minista bilong Maining, Byron Chan

bikipela mentenens.

Em i tok MRA i bin tok long kirapim dispela rot.

Mista Chan i tok MRA i givim putim aut pinis wanpela pablik tenda long givim kontrak long kampani.

Em i tok tupela MRA i lukluk long tupela kampani, we narapela kampani i bin bid long K4.5 milien.

“Olgeta samting long sait bilong MRA i redi pinis. Projek bai stat long dispela mun. Mi bai sekim gen na larim ol mentenens wok i stat bihain long tupela wik,” Mista Chan i tok.

Manmeri mas gat gutpela haus

HAUS em i wanpela samting we ol wok manmeri long kantri na ol arapela manmeri nating i mas gat.

Taim ikonomi bilong dispela kantri i wok long gro na taim planti manmeri i wok long ol wan wan sekta bilong ikonomi, ol i mas gat gutpela haus na gutpela laipstail long helpim ol i mekim gutpela wok long kirapim

ikonomi bilong kantri.

Dispela em i tok-tok i kam long Memaba bilong Jimi, Mai Dop.

Mista Dop i tokim Palamen olsem Nesenel Hausing Korporensen (NHC) i wok long kisim mani long gavman tasol em i no mekim wanpela gutpela wok.

“Gavman i wok long givim mani long NHC tasol ol i no mekim nupela

haus,” Mista Dop i tok.

Em i tok long Pot Mosbi, NHC i bin baim wanpela graun long Duran Fam namel long Wail Laip na 8-Mail tasol dispela projek i karim gutpela kaikai.

“Gavman i yusim milien kina long helpim NHC wantaim Duran Fam hausng projek. No gat wanpela gutpela samting i

kamap long dispela projek.

“Mi kisim sampela ripot olsem wanpela patna bilong Saut Korea i laik kotim NHC bikos em i no bihainim kontrak pepa long mekim haus,” Mista Dop i tok.

Em i tok NHC i mas luksave olsem manmeri i nidim gutpela haus na ol i mas wok gut long mekim gutpela haus.



Ol ripot i tok klostu long 5-pela meri i kisim bagarap taim polis i sutim ol sumatin bilong Yunivesiti ov PNG (UPNG) asde moning. Piksa i soim sumatin meri i stap long Pot Mosbi Jeneral Haus Sik.

Kokoda Inisetive bringim sefti na gutpela sindaun

Kokoda Inisetiv i opim pinis wanpela dabol klasrum na ol arapela skul bilong Isurava na Abuari viles, Oro Provins.

Gavana bilong Oro Provins, Gary Juffa na Deputi Australia Hai Komisina, Bronte Moules i go pas long ol patna bilong Kokoda Inisetiv long opim ol nupela edukesen, wara na senitesen na redio netwok bilding long ples Isurava na Abuari long Oro Provins i no long-taim i go pinis.

Ol dispela fasiliti bai helpim 129 sumatin bilong dispela hap long kisim edukesen bilong ol insait long ol gutpela haus wantaim gutpela ikwipmen na we bilong gutpela stap klin. Ol nupela redio i givim gutpela komyunikesen long ples.

Isurava Elementeri Skul Het tisa, Lindy Tahima, i tok:



Deputi Hai Komisina Bonte Moules, i sanap baksait long ol sumatin bilong Abuari Elementeri Skul. Foto: Australia Hai Komisen midia.

“Ol nupela dabol klasrum bai givim gutpela hap bilong ol pikinini long lainim samt-ing na ol i stap seif na amamas long lainim. Mi gat moa sumatin nau i winim namba bilong las yia. Mi bin gat 16 sumatin tasol nau em i go antap long 23 na mi save

planti moa pikinini bilong ol ples klostu bai laik kam long skul bihain long mipela i opim ol dispela haus klasrum.”

Ol nupela klasrum long wan wan ples i gat 4-pela toilet, 4-pela wara tep na 3,000 lita wara ten. Mipela i

ting olsem dispela ol senis bai bringim namba bilong ol sumatin long 16 long Isurava Elementeri Skul na 113 long Abuari Elementeri Skul i go antap na helt na sindaun bilong ol bai kamap gut tu.

Ol nupela redio yunit long Abuari na Isurava em i hap bilong Kokoda Inisetiv program long bringim sefti na komyunikesen long rot bilong Kokoda Trek. Ol redio yunit nau i stap long 20 moa ples bihainim Trek long Sogeri i go inap long Kokoda.

Kokoda Inisetiv em i patnasip namel long Papua Niugini na Australa Gavman long lukautim Kokoda Trek rijon na long bringim ol besik sevis long ol komyuniti bilong en.

Rintebe Luteran Sekenderi Skul i gat nupela seplin

Paulus Tali i raitim

WANPELA olpela skul bilong Evanjelikal Luteran Sios PNG, Rintebe Luteran Sekenderi Skul i kisim nupela seplin long mun Me 2016.

Dispela i strongim olgeta narapela bikpela senis we i bin kamap olsem ol i gat prinsipel na bod bilong skul we i save wok bung long ranim skul gut na nau skul i kisim gret 12 long dispela yia 2016.

Skul i bin stap long dispela ples longpela taim long 1960s kam bihanim wok misin bilong ol misineri na ol evanjelis bilong Kote long Finschaffan. Ol i kam olsem long Rihona Seket na long Bena na ol i kam olgeta long Rintebe.

Long wik bilong 8 Me, 2016, spesel program bin kamap long Rintebe long putim nupela Saplin i kisim blesing wantaim ol tisa na sumatin lida. Moa long 850 sumatin na famili bilong ol wantaim ol komyuniti klostu long skul i kamap long lotu bilong givim blesing.

Long dispela taim tu Rev. Elymas Bakung long ELCPNG Evanjelism Dipatmen i kam wantaim Pastor Bonny

Senako na Reveren Bakung i autim tok bilong God.

“Mi kamap long hia mi lukim moa senis long Rintebe na mi amamas stret, tu Rintebe em kam tru long wok misin bilong Kote long Finschaffan,” Rev. Bakung i tok.

Rev. Bakung i tok em i lukim moa senis na em tenkyu long God long ol tisa givim bel tru long lainim ol sumatin.

Em i tok yumi wan wan mas bilip long tok bilong God, long tok tasol em inap bringim moa senis long laip bilong yumi wan wan long stap gut nau na oltaim oltaim.

Long wankain taim tu em i tokim ol sumatin olsem sapos ol i givim ol yet long Krai olsem ofa, bai skul wok bilong ol inap kamap gutpela.

“Sapos yu givim yu yet long Krai bai yu soim ol arapela olsem yu em kaikai bilong Rintebe Luteran Sekenderi. Mi laik tokim yu tu long no ken yusim tumas mobail fon we em inap long bagrapim laip bilong yu.

Papamama lusim mani na yu kam long skul orait karim gutpela nem go bek bai papamama inap long amamas” Reverem Bakung i tok.

Word Publishing Company Limited

P. O. Box 1982, Boroko, NCD, PNG. Tel: (675) 325 2500 Fax: (675) 325 2579

Email: word@wantokniuspepa.com

NOTICE OF ANNUAL GENERAL BUSINESS MEETING

Notice is hereby given that the Annual General Business Meeting of Shareholders of Word Publishing Company Limited will be held at the company office at the DOVE TRAVEL Premises, Level 2, Section 24 Lot 25, Angau Drive (CNR LAHARA AVENUE), BOROKO, NCD, Papua New Guinea on Friday 17th June 2016, commencing at 9:00am.

ORDINARY BUSINESS

1. Financial Statements

To receive and consider the Financial Statements; and the reports of the Directors and Auditors for the period ended 31 December 2015.

2. Directors

Election of Directors:

Rev Bernard Siai retires by rotation in accordance with the Company's Constitution and being eligible, offers himself for re-election.

Fr Paul Liwun, SVD retires by rotation in accordance with the Company's Constitution and being eligible, offers himself for re-election.

Following is the current list of directors and when their terms end;

Bishop Francesco Sarego, SVD term ends 2017

Rev Bernard Siai term ends 2016 alternate, Mr Uvenama Rova

Fr Paul Liwun SVD term ends 2016

Rev Sommy Setu term ends 2018

Mr Lawrence Stephens term ends 2017

Fr Denny Guka term ends 2018 alternate, Mr Amos Misirait

Fr Janusz Skotniczny, SVD term ends 2018

Fr Joseph Maciolek, SVD term ends 2017

3. Appointment of Auditors

Kapi & Clarke Chartered Accounts, the auditors for the past year, being eligible; offer themselves for re-appointment as auditors of the Company.

4. Any other business of which notice is given.

Dated this 2nd Day June 2016

By Order of the Board.

Publishers of:



WANTOK

Wantok Today

Stori na Wok

wantaim Elizabeth Cox

Frut

Toksave: Yumi stori pinis bipo yet bilong wanem em i gutpela long planim planti kainkain diwai prut raun long haus, ples, ol haus klab na skul samting.

I gutpela sapos nau yumi lukluk long ol we bilong yusim ol prut i save kamap gut long gaden bilong yumi.

Long planti ples bilong yumi i gat diwai prut i stap.

Sampela ol mango, muli samting, bipo yet ol kiap o misin i bin planim. Tasol long planti hap dispela ol diwai i stap nating na prut i save mau, pundaun nating, na sting nabaut.

Em bilong wanem planti ol man-meri i no save we bilong yusim ol dispela prut.

Planti taim yumi save larim ol pikinini i kalap nabaut long diwai prut na pilai na bagarapim ol, bikos yumi no ting olsem em i wanpela gutpela kaikai i stap.

Sampela taim ol pikinini frut i nupela yet na ol pikinini bilong yumi kisim long pilai "bal."

Ol Meri Inap Long Mekim Wanem

I gutpela sapos ol meri i kliia pinis long wanem gutpela wok frut i ken mekim long bodi bilong yumi, na stat long planim na lukautim ol diwai prut i stap long ples.

Long toktok namba 3 yumi wokim pinis dispela stori.

Taim yu tingting long planim diwai prut, noken planim nating.

Tingting gut wanem kain prut yu laikim, na hamas long wanwan kain diwai prut. I gutpela long planim pastaim ol kain prut yumi save pinis long kaikai na yumi save ol man i laikim.

I gutpela tu sapos yumi planim moa long ol kain prut yumi ken kaikai nating, na yumi no mas kukim o putim suga wantaim.

Long namba wan wok long prut ol meri i ken planim ol prut i save karim kwik olsem popo, banana mau na painapol(Ananas).

Ol diwai bilong karim bihain ol i ken neserim na planim bilong tingim kaikai bihain, na gutpela kaikai bilong ol pikinini na ol tumbuna pikinini.

PNG Wido Asosiesen long Is Nu Briten

John Paivu i raitim

ASOSIESEN bilong ol wido o ol lain we ol man bilong ol i dai, long Is Nu Briten i lukim intres i kamap na moa mama i joinim asosiesen.

Awenes long asosiesen i wok long kamap nau we kodineta bilong Widos Asosiesen long Is Nu Briten, Cathy Paivu i go pas long en.

Nau, asosiesen long Is Nu Briten i gat 6-pela meri i rijista na ol i peim

K100 wan wan fi bilong ol. Bihain long ol i putim mani i go long akaun, ol i kisim bat bilong deposit slip na kisim i go long kodineta. Kodineta bai kisim ol risit bilong deposit na kemani em nogat.

Sampela wido i bin pret long joinim gen asosiesen na putim mani bilong ol i go insait bikos 4-pela yia i go pinis, wanpela meri hailans i bin giamanim ol taim em i bin kisim mani na tok em bilong statim

poltri o kakaruk projek, tasol projek i no kirap na meri ya i bin go bek long ples bilong en.

Tasol PNG Wido Asosiesen bilong nau i no wanpela giaman ogenaiesen, tasol em i wanpela trupela non gavman ogenaiesen we i mekim trupela wok.

Katolik Sios long kantri i sapotim asosiesen na gavman i sapotim.

Long Rabaul, Divain Mesi grup long Rabaul Dineri i Karim pinis ol awenes insait long ol net-

wok bilong em long sios bikos em i kam stret long yia bilong marimari program bilong em..

Sapos membasip i gro, i go long 200 fainensel memba husat i baim membasip fi bilong ol, ol bai lonsim asosiesen long Is Nu Briten provins.

Tupela gutpela samting we ol fainensel memba bai kisim em long insurens karamap na ol i ken kisim lon o dinau mani long maikro fainens akaun bilong ol long sta-

tim liklik bisnis na tu, ol i ken kamap ol kakaruk fama. Na ol pikinini bilong ol i ken wok long helpim ol mama bilong ol na skruim gro bilong SME.

Sapos yu laik lukim kodineta, yu ken lukim em long Tunde na Fonde moning long Kokopo Paia Stesen tasol long bihain, long Kokopo na Rabaul maket.

Sif Eksekutyutiv Opisa bilong PNG Wido Asosiesen bai go raun long Is Nu Briten klostu taim na wokim rotso.

Ol poto wantaim ol mama na pikinini...



FAMILI AMAMAS: Taim bilong namba wan komunio selebresen na dispela famili bilong Anna Solomon bilong Sen Peter Canel Erima Katolik Peris i amamas na kisim poto wantaim ausait long sios bihain long misa lotu i pinis.



PRESEN: Planti wok long ol peris em ol meri i stap na i go pas long ol. Anna Solomon husat i wanpela memba bilong Mama Grup long Sen Peter's Sanel Katolik Peris i makim ol mama na givim presen i go long Pater Alindo Diaz SVD, Jenerel Kaunsel bilong Sosaiti ov the Divain Wod Misineri (SVD) long Rom husat i bin stap long sampela de long raun lukim ol SVD long PNG. Long Sande, em I bin mekim Misa Lotu long Sen Peter Sanel Peris, Erima.



ATONOMAS RIJON : OL sumatin meri bilong ARoB long Marianville Sekenderi skul i redi long putim danis na singsing bilong ol long Kalserele de bilong skul bipo long amamasim namba 50 krismas bilong skul tu.



IS SEPIK : Ol Is Sepik sumatin tu i redi long kamapim singsing na danis bilong ol.




OL MAMA NA PIKININI: Sindaun na lukim ol ektiviti long kalserele de bilong Marianville Sekenderi skul.



BLESING: Ol pikinini i kisim blesing klostu long pinis bilong lotu sevis.

Ol Poto: Anna na Don Niles



Hevi bilong UPNG sumatin bai nidim moa blut

Frieda Sila Kana i raitim

MENESA bilong Pot Mosbi Jeneral Haus Sik Eksiden (PMGH A&E) na Imejensi Dipatmen, Dokta Sam Yakapua i tok asde olsem haus sik menesmen i givim tok oda long olgeta wokman na wokmeri long imejensi na long blut benk na patoloji long stap sambai long helpim ol lain husat i kisim bagarap long dispela hevi bilong ol polis na ol yunivesiti sumatin na pablik pait.

haus sik bai nidim moa blut long helpim ol lain husat i kisim bagarap.

“Ol pablik i mas givim blut bikos nau em mipela stap long graun ziro. Em i stat bilong sampela bikipela hevi olsem na mipela i mas redi gut. Nau yet i no gat dai i kamap long ol sumatin husat i kisim hevi long han bilong ol polis, tasol ol I kisim bikipela bagarap tumas olsem na yumi no save yet, wanem samting bai kamap,” Dokta Yakapua i tok.

bin lukim 5-pela sumatin bilong Yunivesiti bilong Papua Niugini husat i bin kisim bikipela bagarap tru long taim ol polis i bin sut long gan insait long UPNG mein kempas long asde moning taim.

Dispela toktok I bin kamap long komyuniti kona bilong FM100 asde we Dokta Yakapua i bin tok olsem, PMGH A&E i bin lukim 5-pela sumatin tasol ol i helpim wanpela na larim i go na 4-pela i stap long bikipela bagarap olsem na ol i holim ol na lukluk long ol yet.

toksave long pablik olsem i gat 5-pela lain i kisim bagarap long han bilong polis wantaim bullet. Gerehu haus sik i kisim 18 sumatin olsem na bai mi tok olsem 23 olgeta i kisim bagarap na kamap long haus sik.

“Nau yet yumi toktok i stap na embulens i kisim tupela moa sumatin i kam insait long haus sik. Wanpela i kisim bullet long het na narapela long bros bilong em,” Dokta Yakapua i tok.

Ol sumatin i bin laik wokim protes mas i go long Haus Palamen

long autim bel hevi bilong ol long Praim Minista Peter O’Neil.

Dokta Yakapua i tok, em i no save long wanem kain sais bilong ol bullet we i kisim ol sumatin tasol em i tok, ol sua em i traipela.

“Sapos ol sua i traipela tumas ating em i luk olsem ol polis i yusim ol strongpela pawa gan long sut long ol sumatin. Sampela sumatin i kisim helpim long Gerehu haus sik na ol i go bek tasol 6-pela em ol i karim i go long PMGH sik long kisim moa helpim,” em i tok.

BSP wokman i kisim Honoreri Felo long IBBM

WANPELA lapun wokman bilong Human Risos i wok wantaim Benk Saut Pasifik, Giau Duruba i kisim luksave olsem wanpela Honoreri Felo long ol gutpela wok bilong em i go long PNG Institut bilong Benking na Bisnis Menesmen (PNG IBBM) long taim bilong namba 62 greduesen bilong en long las wik.

Mista Duruba em bin stap wantaim BSP benk long 11-pela yia inap em i kamap Menesa bilong Humen Risos Dipatmen. Nau em i pinis long dispela wok wantaim bikipela luksave. Em i gat bikipela laik long helpim ol Papua Niugini wokman na wokmeri long kisim moa save

long wok bilong ol wantaim benk.

Giau Duruba i bin kamap Jeneral Menesa bilong Human Risos long Oktoba 1, 2004. Pastaim long em i kisim wok wantaim BSP, em i bin wok wantaim SP Brewery inap long 27 yia n alas wok bilong em i bin olsem Human Risos na Koporet Afes Menesa. Long taim bilong wok bilong em, Mista Duruba em i wanpela Basela ov Ikonmik Greduet bilong Yunivesiti bilong Papua Niugini, i bin go long planti Rijonal Human Risos Menesa Konprens long Singapore, Malaysia na Holland, na sampela Heenekar Eksekutiv Program long Holland na France. Mista Duruba i bin wok insait long

Human Risos Menesmen long Papua Niugini long senia menesmen level inap long 20 yia olgeta.

Dispela taim bilong namba 62 greduesen bilong IBBM i lukim 55 BSP wokman na wokmeri i greduet wantaim kain kain kos. Planti bilong ol i kisim Setifiket bilong IV long Franlain Menesmen, em i wanpela akredited kwalifikesen bilong Australia wantaim Learning Potential International Pty Ltd (LPI).

Grup Menesa Ritel Benk, Paul Thornton i tok, BSP i save gat bikipela tingting long save bilong wok na laik bilong wok olsem namba wan long wok bilong benk tude. Ol bikipela senis nau i wok long

kamap long fainensel indastri i mekim na ol wokman na wokmeri i mas save long intenesenel maket na trening program long givim ol moa save na pawa long ol wok bilong ol inap go moa.

“Invesmen bilong mipela long Human Risos Developmen em bai go yet wantaim BSP Greduet Developmen program (GDP) bilong ol nupela greduet, Lidasip Developmen Program (LDP) we mipela I lukim ol nupela lida i kamap na mipela i strongim save bilong ol,” em i tok.

“Wantaim IBBM, ol tim lida bilong mipela i gat save long wok olsem supavaisa bilong developmen bilogn wo bilong ol,” Mista Thornton i tok.

Nesenel Stia Komiti bilong Wara Senitesen na Haijin

EKTING Seketeri bilong Edukesen, Dokta Uke Kombra i tokaut long wanpeal Nesenel Stia Komiti bilong Wara na Senitesen na Haijin (WaSH) long ol Skul we Dipatmen bilong Edukesen bai wok wantaim Nesenel Plening na Monitaring Dipatmen, Provinsal na Lokol Level Gavman Dipatmen na Rurel Developmen na UNICEF.

Dokta Kombra i tok olsem Dipatmen bilong Edukesen i bin wok wantaim ol lain Gavman Dipatmen na UNICEF na ol narapela ki stekholda long mekim wok bilong ol strateji bilong 2015-2030 WaSH Polisi long kisim ol kain mak bilong helt olsem: daunim namba bilong ol sik na dai i kamap long ol doti wara; kamapim gutpela laip sindaun na long groim ikonomi na long daunim ol

pasin bilong lusim mani; na long kamapim gutpela wok namel long ol sevis long rurel na hap taun eria long ol lain i no gat planti sans long mekim mani o kisim gutpela sindaun.

Em i tok moa olsem insait long nesenel konsaltesen woksop bilong WaSH long ol skul we ol i bin holim long 18 Februari long Pot Mosbi, ol i bin luksave olsem i gat wok bung i stap namel long wok bilong WaSH long ol skul na ol komyuniti i stap klostu we ol i ken kisim helpim long en.

Long wankain we tasol, dispela woksop i givim tok stia olsem Nesenel WaSH long ol Skul Stia Komiti i mas kamap long em i ken lukluk long ol bikipela hevi we i save kamap long WaSH long ol skul na long kisim i go moa long ol

komyuniti.

Dokta Kombra i tok moa olsem siaman bilong Nesenel Stia Komiti em bai Deputi Seketeri, Polisi na Koporet Sevis bilong Dipatmen bilong Edukesen na namba tu em Deputi Seketeri bilong Helt Dipatmen.

“Ol Tems ov Refrens bilong Nesenel Wara Senitesen na Haijin long Skul Stia Komiti long wokim long WaSH long ol skul i kisim tok orait bilong Dipatmen bilong Helt na Dipatmen bilong Edukesen. Dipatmen bilong Edukesen bai go pas long dispela,” Ekting Seketeri Edukesen i tok.

Dokta Kombra i tok ol i ting olsem enuel wok plen bilong WaSH long ol Skul bai kamap pastaim long Kwata 4 bilong dispela yia na bai ol i stat bihainim long wok long stat bilong 2017.



62 greduesen grup bilong Institut bilong Benking na Bisnis Menesmen.

Pesenel Divelpomen i helpim gut ol sumatin

FAIVPELA de Anuel Konprens bilong ol Katolik Rilijes Edukesen Kodineta (RIC) i bin givim sans long ol gat in sevis na fokas long Pesenel Divelopmen long Gret 9 inap long 12.

Wanpela wik konprens i bin kamap long Emmaus Konprens senta long Is Boroko stat long Me 9 na pinis long de namba 12.

Ol Katolik RI Kodineta i bin kam long olgeta provins bilong kantri long stap insait long dispela konprens we bikipela samting ol i glasim em

sapos ol tisa i mekim gut wok long go hetim ol polisi bilong nesenel Edukesen Dipatmen na bilong Konprens bilong ol Katolik Bisop.

Konprens i bin lukim olsem Pesenel Divelopmentrening i gutpela long ol yangpela pipel we i helpim ol long skul na laip bilong ol.

“Ol sumatin i save laik go insait long ol Pesenel Divelopmen klas we ol i tisim o lainim long klasrum na ausait tu long ol arapela program.

“Mipela i gat gutpela tisa husat i save long komyuniket

gut wantaim ol yangpela pipel na ol i klia ol i husat, we ol i laik go long laip, nae m i salensim ol long kamap ol gutpela manmeri long skul, wok na laip bilong ol,” Sister Joan Takin, wanpela RIC Kodineta i bin stap long konprens i bin givim long ripot bilong em i tok.

Ol samting we i bin kamap em ol i bin wokim Eksen Plen we wan wan lain i bin stap long konprens i kisim i go na go hetim wantaim helpim bilong ol narapeal skul woklain na i ken helpim ol sumatin na skul komyuniti.

Long wankain konprens long neks yia, ol lain bai ripot long ol wok kamap taim ol i go hetim Eksen Plen na ol lessen ol i lainim long en.

Ismael Bega em tisa bilong St Jude’s Hai Skul long, Mongop, Nu Ailan provins, i bin tok konprens i bin givim ol salens, na em i laikim moa profesenel trening olsem.

Em i tok em i lainim planti nupela samting long wok bilong ol RI Kodineta na dispela bai helpim em moa long kamapim gut lainim na spiritel divelopmen bilong ol sumatin.

Ol Kaintiba Lutheran sanap strong Long Bilip Bilong Sios

Paulus Tali i raitim

Kaintiba Lutheran Seket em i gat moa long 9,000 Kristen bilipmanmeri bilong Lutheran Sios.

Wok gutnius em i stap strong. Wok mama, yut, Sande skul na ol wok manmeri i no surik long karim aut wok bilong Gutnius. Ol i lukim tru kaikai bilong wok sios olsem na ol sanap yet long bilip ol i gat long en.

Kaintiba Kristen bilip manmeri i stap namel long Menyamy, Aseki na lukluk i go long Kerema.

Ol manmeri long hap i stap long bus tasol.

Long wokabaut bilong ol insait long Kristen bilip ol gat long em, ol i stap strong long nem bilong bikipela Jisas Krai.

Pasto Job Yasasa bilong Ififa Peris insait long Asaroka Seket long ELC Goroka Distrik em distrik i salim em i go wok saplin long Bema Hai Skul long Kaintiba. Long wankain taim em wok misin namel long ol Kristen bilong Ketanga



Ol Lutheran manmeri bilong Kaintiba i holim strong long bilip bilong ol. Foto: Paulus Tali

klostu long Bema Hai Skul.

Pasto lukim ol Kristen bilong Kaintiba luksave long tok bilong God.

Wokabaut bilong misinari i kam long Kaintiba em no isipela rot.

Namba wan misineri long kam insait em Reveren Hans Fink, em wanpela man Jeman husat i bin bringim Gutnius i go long hap long 1963.

Long wok misin bilong em, kaikai bilong wok sios em i stap laip yet, Pasto Job

Yasasa i tok.

Em i tok tu olsem lotu bilong ol Kristen i no pudaun, nogat.

Ol i tingim laip bilong ol na bilip bilong ol sanap strong yet.

Long arapela lukluk, I wokman bilong sios i save givim moa taim bilong em long taim long em kamap long Lae.

Ol i save kisim PMV em K70.00 go long Menyamy o Aseki boda na wokabaut karim kago o liklik kaikai bi-

long em na wokabaut tupela nait bipo i kamap long ples bilong wok.

Pasto i tok sapos mi kisim balus (North Coast Aviation) em bai kostim mi moa long K360.00.

Pasto Job husat i serim tripela yia wok pasto long Ketanga kongrigsen long 2014 kam inap 2016 i lukim laip na bilip bilong ol Kristen i stap, na wokabaut bilong Gutnius em i stap laip.

Ol i laikim moa sios wokman olsem pasto o evanjelis i mas stap long hap bilong ol long laitim moa paia bilong Holi Spirit insait long wok Gutnius.

Pasto Job i tok long laip bilong ol Kristen bilong Kaintiba, ol lukim tru blesing bilong Bikipela olsem na ol no inap surik long wanem tok we bai inap long daunim bilip ol i gat long en.

Ol i luksave moa long tok bilong God, em Gutnius, inap long sevim Kristen bilip ol i gat long em nau na bihain oltaim.



Yut, Meri na Famili
Pastor
Barbara Lunge

Karim hevi bilong narapela

OLGETA wan wan man na meri i kamap long dispela graun i gat wok long mekim.

“Olsem na mipela i kisim maus bilong Krai na autim tok bilong en. i olsem God yet i singaut long olgeta man long maus bilong mipela. Mipela i save autim tok bilong Krai yet long olgeta man na mipela i tokim ol olsem, ‘Moabeta yupela lusim pasin birua na kamap wanbel wantaim God.’ “ 2 Korin 5:20

Sapos wanpela man i kisim presen bilong autim tok, orait em i mas autim stret tok bilong God. Sapos wanpela man i wok long helpim ol arapela man, orait em i mas mekim dispela wok long strong God i save givim em. Olsem bai ol man i kam lukim olgeta samting yupela i mekim na long nem bilong Jisas Krai ol i ken litimapim nem bilong God. Em i gat namba na strong i stap oltaim oltaim. i tru.” 1 Pita 4:11

Taim yumi kamap ol pipel we God bai yusim long mekim wok bilong helpim ol narapela lain na karim hevi bilong ol, yumi mas gat holi laip na i no gat asua.

“Ol brata, mi tingting long bikipela marimari bilong God na mi tokaut strong long yupela olsem. Yupela i mas givim bodi bilong yupela long God olsem ofa. Na taim yupela i stap laip bai yupela i stap ol manmeri bilong God stret na bai yupela i mekim ol pasin God i laikim. Yupela i mekim olsem na yupela i ken lotu tru long God. Na yupela i no ken wokabaut wankain olsem ol man bilong dispela graun. Nogat. Yupela i mas larim God i mekim tingting bilong yupela i kamap nupela na bai pasin bilong yupela i kamap nupela tu. Olsem na bai yupela inap long save tru long laik bilong God. Bai yupela i save long ol pasin i gutpela na long ol pasin God i laikim tumas na long ol pasin inap tru na i stret olgeta. “Rom 12:1-2

Taim yumi klinim yumi yet long ol doti bilong graun bai yumi ken isi long pas wantaim God na harim lewa kra i bilong em long ol narapela man. “Yupela i mas helpim ol narapela long karim hevi bilong ol. Long dispela pasin bai yupela inapim tru lo bilong Krai.” Galesia 6:2

Na laikim bilong God i mas stap tru na i no giaman. Olsem na yumi mas helpim ol pipel i gat hevi na i gat bikipela nid. Yumi lukim hia sampela eksampel bilong ol propet bilong God we i save karim hevi long ol taim bilong ol. “Na mi harim Bikipela i askim ol ensel olsem, ‘Bai yumi salim husat? Husat bai i bringim tok bilong mi i go? Na mi tok, Yu salim mi.’ Olsem na Bikipela i tokim mi long i go na givim dispela tok long ol manmeri. Yupela i ken harim tok planti taim, tasol bai yupela i no inap save long as bilong en. Yupela i ken lukluk plant taim, tasol bai yupela i no inap luksave long wanpela samting.” Aisaia 6:8-9..

Planti pipel nau i wok long dai nating na ol i no gat Krai long laip bilong ol bikos i no gat man i karim hevi long bel bilong em long traim long kisim ol sipsip i lus long kam bek gen insait. Jisas long taim bilong em long graun, em givim taim bilong em long painim ol dispela sipsip i lus na bringim ol kam bek gen long banis. “Pikinini bilong Man i kam bilong painim ol man i lus na long kisim bek ol.” Luk 19:10

Nau yumi stap long taim bilong kot na planti pipel i gat ol kain sik we i no inap long pinis wantaim marasin tasol Tok bilong God em bai inap long sevim ol, oraitim sik na bringim ol go bek olsem bipo”. Kisim Bek 15:26..

Long Buk Song 103:3-5, “Em i save lusim olgeta sin bilong mi, na em i save mekim orait olgeta sik bilong mi. Bikipela i kisim bek mi na mi no i dai. Em i save marimari na sori moa yet long mi. Olgeta taim mi stap long graun Bikipela i save givim ol gutpela samting long mi na inapim mi. Em i mekim olsem na mi kamap yangpela gen na mi stap strong olsem tarangau.”

Wantaim ol dispela tok promis bilong God, mipela i lukim planti lain husat i gat kensa i kamap orait, hetpen bilong longpela taim, sik long blut, HIV/AIDS, daiabitit na hai blut presa na planti narapela sik tu.

Toksave: Mipela laik helpim yu so tude yu ken toktok wantaim mipela long helpim yu. Raitim pas long dispela adres na fon namba. Barbara Lunge, ROGIM, P.O. Box 3063. Boroko. NCD, o ring long 79638276/76238826 o salim email long: lungeb37@gmail.com

Raun lukim ol mama na pikini...



Tupela pikinini hailans i putim naispela bilas long selebretim silva jubili bilong peris pris, Pater Rozario.



Anna Isau i wanpela tisa long Paradise Sekenderi skul long NCD wantaim pikinini meri bilong em i gutpela famili pren bilong Pater Rozario wantaim tupela Sister i bin kamap long liteji selebresen.

Kontrolim gan long han bilong ol polis

BIKPELA de bilong sori i kamap long asde Trinde Jun 9, 2016. 4-pela studen bilong Yunivesiti bilong PNG (UPNG) long Pot Mosbi i kisim bikpela bagarap long han bilong ol polis. Ol studen i bin laik mekim protes mas i go long haus Palamen, na polis i sutim ol.

Kain kain toktok i kamap long as bilong dispela pasin ol polis i mekim.

I no gat wanpela pablik tok save i bin kamap olsem ol studen bai mekim dispela protes mas. Ol ripot i tok polis i bin tromoi tia ges na go insait long kempas na sut long ol. Ol papamama ol famili na wantok husat i harim dispela nius i askim nau dispela bikpela kwesten, Watpo na ol polis i sutim ol studen? Ol studen i karim ol samting bilong pait wantaim ol polis na polis i mekim olsem o....?

Na long taim ol i karim sampela studen i go long Pot Mosbi Jenerel Haus sik. Ol polis i kamap long hap tu na tromoi tia ges i go insait long haus sik eria na blokim rot. Planti ol sikman meri na ol pablik i kirap nogut na ranawe nabaut. Em wanem kain pasin?

PNG i gat nem nogut long birua pasin ol polis i save mekim long ol pipel.

Olgeta de bai i gat nius ripot i kamap long ol birua pasin ol polis i save mekim long ol pipel. Dispela pasin bilong paitim man na yusim gan o bagarapim ol propeti bilong pipel em i no nupela samting. Dispela pasin i pas long nem bilong ol polis bilong yumi i kam inap



nau. Wanem taim bai yumi lukim senis i kamap?

Watpo na ol polis i sutim nating ol studen? Gavman wantaim Polis Komisina i mas bekim dispela askim. Husat i givim oda long sutim na paitim na bagarapim ol pikinini bilong yumi?

Wankain hevi olsem i bin kamap long UPNG long 2001. Tude yumi lukim gen dispela pasin i kamap.

Ol gan i gat wanpela wok tasol, na dispela wok i bilong kilim o givim bikpela bagarap long

wanem samting yu sut long en. Husat man o meri i holim gan i mas gat trening long stretpela pasin bilong yusim gan na em i mas gat laisens long karim gan.

Ol polis i karim gan bikos ol i pilim seif long taim ol i holim gan. Tasol ol i save gut long pasin bilong yusim gan we i no inap long kilim indai man o nogat? Ol i kisim trening bilong kontrolim gut ples we bikpela namba bilong ol pipel i bung o nogat?

I gat ol dispela askim na sampela moa i stap. Ol polis i no save

larim ol pipel i protes bikos i no gat inap polis long kontrolim protes mas. I no gat inap polis long lukautim ol pablik propeti. Ol i sot tru long planti samting.

Ol i gat tripela rot tasol bilong kontrolim pipel – sutim ol long gan o raunim ol long tia ges o larim ol polis dok i raunim ol. I no gat narapela rot moa.

Yumi bungim yia 2016 nau na long ol arapela hap long wol yumi lukim olsem ol polis i gat ol rot bilong kontrolim pipel we ol i no yusim gan o ol samting bilong

bagarapim pipel. Ol i yusim wara long tromoi long pipel na stopim ol protes.

Ol polis bilong PNG i tingting tu long yusim dispela rot o nogat long dispela modenaisesen program bilong ol. Mobeta ol i lukluk long dispela wei bilong koltrolim pipel, bikos em i no inap kilim indai man.

I gat planti askim na toktok bai kamap long dispela hevi long UPNG. I gat kain kain toktok bai kamap long pasin ol polis i yusim long kilim ol studen. Na i gat bikpela moa askim bai i go long gavman na ol lida bilong kantri.

I mas gat wanpela wok painimaut i kamap long dispela bikpela birua. Ol polis i no ken haitim tok o ol polisman o meri husat i sutim ol studen.

Ol pablik i les long lukim ol manmeri i dai long han bilong ol polis. Mekim wok painim nau na larim lo i givim mekimsave long husat man o meri i asua.

Wok bilong ol polis aninit long mamalo bilong kantri em long lukautim laip na sindain bilong ol manmeri bilong PNG.

Tasol i luk olsem ol i kamap birua bilong ol pipel nau. PNG i wanpela kantri we ripot bilong kain kain vailens i bikpela tru na nau ol polis bilong kantri tu i wok long kisim nem nogut long kamapim vailens long ol pipel.

Gavman i mas kontrolim gan long han bilong ol polis.

Ol i no gat rait long yusim gan long kilim nating ol pipel bilong kantri.

Moa sekta awenes helpim long bungim Vision 2050 tingting

OL saveman i tok wei man i stap i bihainim tingting em i save gat.

Na planti taim dispela tok i tru. Wan wan taim tasol em bikos long narapela as, olsem opis man slip long setelmen bikos no gat gavman o kampani haus o i no inap go moa long skul bikos spes bilong skul i pulap.

Long 2008 taim Sir Michael Somare i praim minista gavman bilong em i lonsim Visen 2050.

Dispela Visen i tok long 2050 Papua Niugini i mas kantri we em i stap helti, wais (pulap long save), welti (i no sot long ol samting) na seif sosaiti.

Mipela i hop gavman na ol pipel i kamapim sampela samting pinis long bungim dispela ol tingting. Sapos nogat, bai i gutpela long stat nau.



Long stat yumi i ken amamas olsem i gat sampela polisi gavman i kamapim long kamap long ol dispela tingting.

Polisi olsem praimeri na sekenderi fri edukesen, fri praimeri helt kea na moa lo bilong kamapim na ranim ol ol bisnis, strongim egrikalsa na lo na oda.

Ating kain ol polisi bai lukim Papua Niugini i senis.

Tasol kain samting ol sindaun i no inap kamap nating. Sampela samting i mas kamap long helpim kamap bi-

long kain sindaun olsem.

Wanpela bilong ol em long kamapim moa awenes kempain (campaign).

Awenes long papamama i mas gaidim na strongim tingting bilong ol pikinini long go long skul, long papamama na lidaman i kamapim ol helt, skul long famili na komyuniti, long gavman i givim moa sapat long egrikalsa sekta long lukim ol manmeri i planim, kakao, kopi, kokonas na go insait long lukautim laipstok, long Komes dipatmen i strongim ol manmeri long go insait long wok bisnis na long Lo na Jastis Dipatmen i mekim lo na oda awenes we ol komyuniti i mas stap seif na fri.

Kain ol wok i kamap em mipela i bilip inap helpim long bungim ol tingting i stap insait long PNG Vision 2050.

Long taim bilong lonsim Vision 2050 long 2008, Sir Michael i tok as bilong Gav-

man bilong em i kamapim kain plen em bikos manmeri i no gat gutpela sindaun.

Ol sevis olsem helt, edukesen, wok didiman na bisnis na gutpela lo na oda we manmeri i stap fri na seif i no stap.

Em i tok maski manmeri long ol narapela kantri i tok God i blesim Papua Niugini long ol neturel risoses tasol ol manmeri bilong em i stap tarangu.

Long dispela Sir Michael i tok wantaim Vision 2050 kain sindaun i mas senis taim yia 2050 i kamap we ol manmeri i stap helti, i gat save, i gat mani na i stap fri na seif.

Dispela i gutpela tingting tasol moa gutpela ol ejensi we i go pas long wan wan sekta i mas mekim planti awenes long strongim tingting bilong gavman na ol manmeri long wok strong na kamap long ol tingting bilong Vision 2050.



Published Weekly, Thursday, for
Word Publishing Company, Ltd.
P.O. Box 1982, Boroko, NCD
Papua New Guinea
Telephone: (675) 325 2500
Fax: (675) 325 2579
Email: editorial@wantokniusepea.com

Pe bilong wanpela yia
52 niusepea


Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager
Elizabeth Konga

Editor
Veronica Hatutasi

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general term acceptance are available at Word Publishing Company Ltd and are set out full on the display advertising form.

Em nau! Ol pikinini i ken painim rot i go long ples wantaim Wantok lain...



STORI BILONG TUMBUNA

Tupela Meri Kamap Ston



Bipo long taim bilong ol tumbuna, ol man i bin stap long wanpela ailan ol i kolim "Adwi." Long wanpela de olgeta yangpela meri ol i toktok wantaim olsem: Long nait bai yumi olgeta i go bombom long rip."

Orait, long apinun nau olgeta meri i go kisim nau bombom bilong kokonas. Taim ol i go nau, tupela susa i go wokabaut long narapela hap yet. Taim tupela i go, ol i kisim wanpela yelopela kokonas, ol i lukim i gat planti bombom long en na ol i kisim. Dispela kokonas i bilong wanpela masalai, nem bilong em Kaigon.

Tupela i kisim bombom pinis, na ol i go bek long ples bilong kisim naip wantaim basket. Long nait nau olgeta meri ol i i go nau long bombom. Olgeta meri ol i bombom i go pas, na tupela susa hia ol i bombom i kam bihain. Taim ol i bombom, ol narapela meri ol i hariap tasol long bombom i go. Tasol tupela no gat.

Tupela i wok long bombom na wokabaut isi tasol bihainim ol narapela meri. I no longtaim nau, bikpela tudak i pasim ai bilong tupela. Taim tupela i wokabaut, dispela rip i wok long surik i go ausait wantaim tupela. Bihain nau bombom bilong tupela i pinis.

Tupela i no inap long lukim wanpela hap ples moa, bikos ai bilong tupela i tudak long dispela bombom bilong yelopela kokonas bilong masalai Kaigon. Orait, tupela i sanap tasol long rip inap long haiwara i kam antap. Na tupela i go insait long solwara nau long dispela rip, na tupela i tanim nau na i kamap ston. Sapo yu laik lukim, yu go tasol long ailan, Adwi klostu tasol long ailan Pilio long Kandrian, Wes Nu Briten Distrik.

Paul Areng, Ulamona

C F R M N O D Q P Q A C O P D R P V M
E S M E R P A B E N G A B T E S G E
P R P T D I F R F E N S Q C S D
M Z F N B A I G L E T T O L U A D O N

PAINIM WOD PILAI

Ol wod lista:

- HARIAP, KALAP, KIRAPIM, LAPLAP, MAKMAK, MEKANIK, NATING, OPIM, PAULIM, PORIS, RAUNIM, SANKAMAP, SIPSIP, STRONGPELA, TAMIOK, TIKTIK, TUMANI, VERANDA, WANWOK, WINIM, YERIMA

A I N S A R N D C R P G T D K D T I W G J O C E A
S N E L A R P D J C E E E O G O T G W S I A O X E
R E Y L A M A B T S E O P F K K Q E E A E F C G G
G S E D I P U R A A T Z E K D D I S N I U Y S E C
E S R N S G L P I N T V D O X C F I P F M B E K I
O Y I H A R I A P K A M E S I P H Z L F R R S A I
E W M P K A M D P A O I K R R M O T T M A U E L G
T F A E S I M R L M H D S H A M E G C R D K L A G
V E O L T I R E T A S S V N A N A F D O E B Q P H
K E C E P E P A K P K C M I R F S D X B K R A W M
H O R O A G J A P A T I K T I K R I O T R U S A I
P A I A N E K D M I N A T I N G I A M A N K L N S
B I K O N A I K I U M I M S M G S C E N T I A W S
F R R W D D A O A E I A K I P G H A E E S M S O S
G T S A F M A R I L T U L T O O S F L Q U W Y K E
S C A R O A D H N S O E N E R K N X N T S N X O A
V E O B P M E N E E H X E H I M M T M P T V N S I
T C U S R C V S L F J J T I S D U F T Z E E E I A
X A M O X O E S I S T L C E O N M J O E M S X P C
M H T Y S E Y F S H A X B G E L M I L E G I O C Q

Ansa bilong Wod Pilai isu 2177

ERSIPKIBGGPODDUGOINMOZVSP
REFHNMEGGDOGNEESPHSXNQFJM
PSEOESVIAGMGEVTPBTSUEMIE
WRISOEZMZACRAOBYGAASPOUTJ
EJWPHZTCPCAMBCIRNSMTARNNE
AYSIPHASXEGREALICIBLKSAKH
LDPFMDCRDTREREENROZUSMAAA
NASRTGANNLGETXJAQLSKNWNNN
ESHPSHOHCWAURLNKRPRADAODW
FPNOOWRSIESLTOEIRARUHKOEIA
PSICCRRSLLCLOJNTSTAMTVWIRIS
QSSYRMNINGONGAEIBOTRYHEG
TLVDSXOOGAVMANRWMNABMMJFBJ
ARDESZOZDNHGHIAAAREGSSZRNS
FDOBELHADEASHTSNDNEAONIOT
EPADSPOAABIAZAMGHFNIGDYDD
TUBENHISPHIKHIAA OASQABZHD
TEZVSSSTOMIKSIMMLTSMSEYOFU
EZBZENA DAIMANBAIRNALIESTS
HVXXDSKEASRKTKUMULSLTEQQA



TOK PISIN NEWS

from Radio Australia

radioaustralia.net.au

Harim TOK PISIN long
Radio Australia
101.9FM
Port Moresby

Tok Pisin Service
6am - 7am 6080; 7240(KHZ)
7pm - 9pm 5995; 6020; 9710; 1280(KHZ)

PNG Spika bipo i wanbel wantaim Kot long ol Palamen kaving

Caroline Tiriman i raitim

TIMOTHY Bonga i tok oda bilong Nesanel Kot long Spika Theodore Zurenuoc long putim bek ol kaving em i bin rausim i stret olgeta.

Olsem wanpela spika bipo bilong Nesanel Palamen long PNG, Timothy Bonga i tok em i wanbel tru wantaim oda bilong Nesanel Kot long Spika Theodore Zurenuoc long putim bek ol kaving em i bin rausim long Haus Palamen tripela yia i go pinis.

Mista Zurenuoc i bin rausim wanpela ten nain o 19 kaving long wanem, em i tok em i

laik rausim ol tewel nogut long Palamen.

Em i bin tok tu olsem PNG em i wanpela Kristen kantri na ol dispela kaving i makim taim bilong tudak. Tasol nau Kot i tok pasin em i bin mekim i bin brukim Nesanel Kalsa Propeti Ekt.

Jastis David Cannings i givim 6-pela mun long Mista Zurenuoc long putim bek ol dispela samting.

Timothy Bonga i tok, ol kain toktok em Mrista Zurenuoc i bin mekim olsem PNG em i Kristen kantri i no stret, long wanem God i bin mekim man na givim em tu ol kalsa, olsem na toktok bilong spika i no stret.

Wes Papua pipel i bung ausait long ACP miting



Ol Wes Papua pipel.

Caroline Tiriman i raitim

OL pipel bilong Wes Papua long Pot Mosbi i bin bung ausait long bikpela miting bilong ol Afrika, Karibien na Pasifik Ailan kantri long sapotim ol lida bilong Solomon Ailan na Vanuatu husat i bin toktok long wari bilong humen raits long Wes Papua.

Ol dispela pipel i tok ol i wanbel tru wantaim pasin

em Vanuatu na Solomon Ailan i mekim long ACP miting long Papua Niugini, na ol i laikim ol ACP lida long bringim dispela wari bilong ol i go long Yunaitet Nesens Dikolonaisesen Komiti.

Bung bilong ol Wes Papua pipel i kamap bihain long PNG Imigresen dipatmen i bin stopim Octo Mote, seke-teri jenerel bilong Yunaitet Liberesen Muvmen bilong Wes Papua long go insait

long PNG.

Mista Mote i bin laik go long PNG long sapotim ol gavman bilong Solomon Ailans na Vanuatu long dispela ACP miting.

Geoffrey Bomai, lida bilong Wes Papua humen ralt grup long PNG na i bin redim dispela bung ausait long ACP miting na em i tok olsem oli laikim bai ol dispela lida bai save na bringim wari bilong ol i go long UN.

Festival i helpim ol Solomon Ailan pipel

Sam Seke i raitim

SOLOMON Ailan i benefit gut long Pasifik Festival ov Ats i bin kamap long Guam na i pinis long las wiken.

Het long seksen bilong Solomon Ailan long Festival ov Pasifik Ats long Guam, Dennis Marita i tok selmani o mimis em i wanpela samting we ol lain bilong ol narapela kantri bin laikim stret long baim. Na em i bin strongim ol lain we i save

wokim selamni long kisim ol kontek bilong ol lain i laik baim selmani na ol i ken wokim taim ol i go bek long ples na wokim bisnis wantaim ol na salim ol selmani i go long ol.

Mrista Marita i tok em i gat bikpela intres long olgeta performing ats bilong Solomon Ailan olsem na ol nupela kain singsing bilong Rosie Delmah.

Em i tok olgeta bisnis pipel long Guam i laikim stret na em i askim ol long go pilai long klap o bisnis bilong olgeta.

PNG yunivesiti sumatin bai go het wantaim protes

Caroline Tiriman i raitim

OL sumatin bilong yunivesiti blong Papua Niugini, na ol narapela yunivesiti long kantri i tok olgeta sumatin bai lusim skul sapos Praim Minista Peter O'Neill i no lusim wok bilong en.

Ol sumatin bilong Yunivesiti bilong Goroka long Isten Hailans provins, Yunivesiti bilong Teknologi long Lae, na Yunivesiti bilong Egrikalsa na Enviromen long Is Nu Briten

provins i wanbel long lusim skul bihainim wari bilong korapsan we ol i sutim tok long Mista O'Neill.

UPNG Kaunsil i bin tokim ol sumatin long lusim skul long Fraide long wik i go pinis, tasol Kot i bin stopim Yunivesiti long rausim ol sumatin inap long Fonde long dispela wik.

Tasol planti sumatin long ol dispela yunivesiti i go bek pinis long ol provins bilong ol long tok klia long ol pipel long as tingting bilong ol protes ol i wok long mekim.

PNG Spika bipo i tok PM O'Neill i no ken giamanim ol ACP Lida

Caroline Tiriman i raitim

TIMOTHY Bonga husat i bin memba bipo bilong Nawae ilektoret long Morobe provins i wari olsem Praim Minista i bin tokim midia na ol lida bilong ol narapela kantri olsem em i apim stendet bilong living bilong PNG pipel.

Wanpela long taim politisen long Papua Niugini i askim strong Praim Minista Peter O'Neill long no ken giamanim ol lida bilong ol narapela kantri olsem stendet bilong living bilong ol PNG pipel i kamap gut.

Timothy Bonga husat i bin memba bipo bi-

long Nawae ilektoret long Morobe provins i mekim dispela toktok bihain long Praim Minista i bin tokim midia na ol lida bilong ol narapela kantri olsem em i apim stendet bilong living bilong PNG pipel.

Praim Minista O'Neill i kamap tu long wan kain we planti lida bilong ol Afrika, Karibien na Pasifik kantri i bin stap long Pot Mosbi long bikpela miting bilong ol long las wik.

Dispela miting i bin kamap tu long wankain taim we planti ol sumatin i wok long mekim ol protes egensim Mista O'Neill long ol korapsan we ol i sutim tok long en.

PNG Ats festival lida i toktok wantaim Redio Australia

Caroline Tiriman i raitim

DOKTA Jacob Simet, Ekting Eksekutiv Dairekta bilong PNG Nesanel Kalsere Komisin, i tok lain bilong en i soim kalsa na stap gut wantaim ol narapela Pasifik pipel long Guam.

Namba 12 Festival ov Pasifik Ats i bin kamap long Guam na yumi harim stori bilong tim bilong Papua Niugini

i soim ol kalsa na ol at bilong ol long biktaun, Hagatna.

Dispela Festival i bin stat long namba 22 Me na i pinis long las wik Sarere namba 4 Jun.

Olgeta kantri bilong tripela rijon long Pasifik, olsem Maikronesia, Melanesia na Polinesia i bin stap long dispela festival.

Wanpela memba kantri

bilong Melanesia, Vanuatu i no bin salim wanpela lain bilong en i go long festival.

Dokta Jacob Simet, husat ibin go pas long PNG tim long Festival i tok ol pipel bilong tripela rijon wantaim i amamas long dispela festival.

Em i tok tu olsem em i ting dispela Festival i bin pulim planti turis long Pasifik.



Ol PNG lain long Festival Ov Pasifik Ats long Guam.

Wol sempion boksa Muhammad Ali i dai

BIKNEM boksa long wol, Muhammad Ali i dai long las wik long haus sik long Arizona, USA. Em i bin gat 74 krismas. Em i bin gat sik ya ol i kolim Parkinsons Disease.

Ali i bin holim rekot bilong wol hevi weit sempion bipo. Famili bilong em i tok bai ol i planim em long ples bilong em long Louisville, Kentucky.

Ol lida long wol, ol spot manmeri na planti ol arapela manmeri nating i wok long salim tok sori bilong ol long taim ol i harim nius olsem Ali i dai.

'Muhammad Ali i mekim wol i guria. Na wol i kamap strong bikos long dispela, Presiden Barack Obama bilong USA na meri bilong em Michelle i tok.

Presiden bipo, Bill Clinton i tok Ali i bin strong long pait, i soim gutpela eksampel long ol yangpela, soim gutpela pasin long ol lain i stap tarangu na i strong na i no larim dispela sik i daunim em.

Laip stori bilong Muhammad Ali i olsem;

Mama i karim em Cassius Marcellus Clay, long 17 Janueri 1942.

Profesenel boksen laip bilong em i winim 21 ya. Em i pait long 61 boksen resis na i winim 56 we 37 em ol nokaut.

- 3-pela taim em i holim taitel bilong Wol Hevi Weit Sempion.
- Winim Lait-hevi weit Olimpik gol medal.
- Winim taitel 31 taim inap Joe Frazier i autim em.

George Foreman husat i bin lus long Ali long 'Rumble in the Jungle' pait long Kinshasa long 1974, i tok Ali em i wanpela nambawan man tru em i bin bungim.

Jesse Jackson, Ameriken Sivil Raits Kompen man, i tok Ali i no wari long taitel na mani na em i no laik go pait long woa long Vietnam.

Ali i mekim nem bilong em long boksen long 1960 long Rom long taim em i winim lait hevi weit gol medal long Olimpik Gems. Ol i givm nem 'The greatest' long em long taim em i winim Sonny Liston long 1964 na winim namba



wan wol taitel na i kamap namba wan boksa long winim wol hevi weit taitel tripela taim. Em i ritaia long 1981 bihain long em i win 56 taim insait long 61 pait.

Long namba wan taim Ali i bin winim taitel bilong wol hevi weit sempion, em i bin gat 22 krismas tasol. Em i bin tokaut olsem bai em i autim Sonny Liston husat i no bin lus bipo, tasol i no gat planti pipel i bilip long hap tok bi-

wanbel long astingting bilong dispela grup. Ali i kamap wanpela Muslim na i senisim nem bilong em i go long Cassius X na bihain Muhammad Ali.

Long 1967, em i egensim woa Long Vietnam, we Amerika i wok long salim ol soldia bilong en i go pait egensim ol Vietkong. Planti pipel bilong Amerika i egensim Ali long taim em i tokaut long tingting bilong em.



long em. Tasol bihain long namba sikis raun, Liston i no inap pait moa na em i givap na sindaun tasol i stap.

Long dispela taim long laip bilong em, Ali i bin joinim grup ol i kolim Nation of Islam, wanpela lotu grup husat i laik kamapim gutpela sindaun bilong ol blak skin pipel bilong Amerika. Planti ol pipel bilong Amerika i no

Em i no laik pait long US ami olsem na ol i rausim taitel bilong wol hevi weit sempion long em na boksen laisens bilong em. Em i stap nating inap long 4-pela ya.

Bihain long kot i rausim sas bilong em long 1971, Ali i go bek gen long boksen na em i kamapim tripela biknem kontes long histori bilong boksen na apim gen



'Dispela em wok tasol. Gras i gro, ol pisin i flai, solwara i bruk long nambis. Na wok bilong mi em long pait.'

nem bilong em.

Joe Frazier i winim em long 'Fight of the Century' long Nu Yok long 8 Mas 1971. Tasol em i kisim bek dispela taitel long taim em i winim George Foreman long nokaut long 'Rumble in the Jungle' pait long Kinshasa, Zaire (nau ol i kolim Democratic Republic of Congo) long 30 Okotoba, 1974. Ali i pait wantaim Frazier long namba tri na las taim long Filipin long 1 Okotoba 1975 na i kamap sempion long dispela 'Thriller in Manila' long taim Frazier i no inap kamap long namba 15 na las raun.

Ali i bin pait 61 profesenel pait, na i lus 5-pela taim na winim 36 long ol nokaut. Bihain long em i ritaia, i gat ol nius i kamap olsem helt bilong Ali i no gutpela tumas. Toktok bilong em i no klia na em i no inap wokabaut stret na i save aislip oltaim.

Ol dokta i tokaut olsem em i gat sik ya ol i kolim Parkinsons, tasol Ali i wok

long kamap yet long ol pablik bung. Em i laitim Olimpik tos bilong 1996 Gems long Atlanta na i karim plak long taim bilong opim 2012 Olimpik Gems long London.

Ali i laik ol pipel i tingim em olsem;

'Mi laik ol pipel i tingim mi olsem wanpela man husat i winim taitel bilong wol hevi weit tripela taim, man husat i save laik lap na man husat i mekim gut long ol arapela manmeri.

'Olsem man husat i no lukdaun long ol lain i apim nem bilong mi...husat i sanap strong long bilip bilong em...husat i laik bungim ol manmeri long bilip na laik pasin.

'Na sapos em i no inap, orait bai mi amamas sapos ol i tingim mi olsem wanpela top boksa husat i kamap wanpela lida na sempion bilong ol pipel bilong em. Na mi no inaop wari sapos ol pipel i lusim ting olsem mi luk nais tu.'



Muhammad Ali i winim taitel bilong Sportsman of the Century' long 1999.



Prince i bin kirap nogut long taim em i bungim Ali.




Muhammad Ali wantaim Presiden Jimmy Carter long 1977.



Muhammad Ali na meri bilong em Lonnie, wantaim ekta Kevin Costner long wanpela pati bilong bungim mani bilong helpim wok bilong Muhammad Ali Parkinson Senta na ol arapel sariti grup.



Muhammad Ali i bungim Nelson Mandela long 1990.



Pop John Paul 2 i bungim Muhammad Ali long Vatiken.



Muhammad Ali long Olimpik Gems long London long 2012.

Mulacek kisim InterOil go long kot

MAN husat i bin statim InterOil Corp i kisim ol bod ov dairekta bilong InterOil i go long Suprim Kot long Kanada.

Pastaim Siaman na CEO, Phil Mulacek, i kisim InterOil i go long kot bikos em i bilip olsem ol memba bilong bod i no ranim gut dispela kampani we em yet i bin statim long yia 1994.

Ol i go kot long Kanada bikos InterOil Corp i bin rejista long Kanada.

Mista Mulacek i bin strong tumas na autim tok olsem ol bod ov dairekta bilong InterOil i no ranim gut dispela kampani.

Em i makim maus bilong ol arapela seaholda na em i bin laik long senisim bod ov dairekta bilong InterOil.

Em i inap long bungim arapela ol seaholda bilong InterOil na toktok long dispela senis bilong ol bod ov dairekta long wanpela spesel miting na enual jeneral miting bai kamap long Jun 14 dispela yia long New York.

Taim Mista Mulacek i bin bungim sampela ol seaholda, husat i gat wankain tingting, long senisim ol bod ov dairekta, InterOil i bin tokaut long plen bilong Oil Search long baim olgeta ges fil long Galp provins na kampani wantaim.

Dipsela plen bilong larim Oil Search i baim InterOil long K7 bilien (US\$2.2) i no bin go gut wantaim Mista Mulacek.

Em i kisim wanpela Suprim Kot oda long Yukon Suprim Kot long long Kanada long larim ol seaholda i toktok gut long koperet gavanens

bilong InterOil pastaim na bihain toktok long dispela plen bilong salim kampani.

"Veliu bilong ol ges risev na ges risos bilong InterOil i no mak bilong US\$2.2. Ol memba bilong bod ov dairekta i no mekim wok gut.

"Ol seaholda bilong InterOil bai lusim narapela wan bilien Ameriken Dola sapos Oil Search i baim InterOil long dispela prais," Mista Mulacek i tok.

Mista Mulacek i bin statim InterOil long PNG long yia 1994 olsem wanpela liklik oil na ges daunstrim prosesing kampani long PNG.

Em i bin baim wanpela liklik seken hen rifaineri bilong Chevron Texaco long Alaska long US\$10 milien na kisim i kam long PNG long statim Napa Napa rifaineri i stap ausait long Pot Mosbi.

Em i bin mekim petroleum rifaining bisnis long PNG long 25 yia we InterOil i save yusim Napa Napa rifaineri long mekim petrol, diesel, kerosin na arapela fiul long salim long PNG.

InterOil i bin i go insait long apstrim bisnis we ol i bin kisim petroleum prospecting laisens (PPL) na painimaut long Elk-Antelope ges fil long Galp provins.

Taim InterOil i bin stap long New York Stok Eksens (NYSE), taim Mulacek i bin stap CEO, sea prais bilong wanpela InterOil sea o stok i bin stap long K90.

Dispela i bin kamap taim InterOil i bin tokaut long yia 2011 olsem ges risev long Elk-Antelope em i winim arapela ol ges risev long Sauten Hemispia.

Mista Mulacek i tok bod bilong In-

terOil i no ranim gut kampani na i no yusim gut mani bilong ol seaholda long mekim winmani bikos veliu bilong kampani i pundaun i kam daun.

"Taim mi risain long yia 2013, veliu bilong kampani i bin stap antap. Sea prais bilong wanpela stok bilong InterOil i bin stap long mani mak K90.

"Tasol nau sea prais bilong InterOil long NYSE i kam daun long \$US42.41 long las wik Fraide," Mista Mulacek i tok.

Mulacek i gat klostu long 17 pesen seaholding insait long InterOil. Em yet wantaim arapela ol seaholda i nau pait long Yukon Suprim Kot long senisim bod ov dairekta long larim InterOil i ran gut olsem wanpela independen oil na ges kampani long PNG.

Taim Mulacek i lusim InterOil na Dokta Michael Hession i kisim ples bilong em, InterOil i bin stat long salim ol arapela bisnis bilong em.

Ol i salim pinis Napa Napa rifaineri na olgeta fiul stesin long PNG i go long Puma Energy. Ol i salim sampela propeti olsem haus na kar tu.

Dokta Hession i bin tok InterOil i laik go insait long bikpela bisnis long apstrim segmen. Apstrim segmen em i tok long ol ges fil long Elk, Antelope, Waho, Bobcat na Triceratop.

Dispela em ol ges fil we ges bilong kamapim namba tu LNG bilong PNG, ol i kolim Papua LNG bai kamap.

InterOil i bin salim tu sampela ges fil na laisens eria bilong em i go long Total SA bilong Frans na long Oil Search tu.

Las wik Fraide, Mista Mulacek i tokim ol seaholda long no ken sapotim vot bilong salim kampani i go aut long Oil Search.

Ol seaholda bai bung long neks wik Tunde long New York City long vot.

InterOil CEO Dokta Michael Hession i tokim ol seaholda long vot long salim InterOil i go long Oil Search bikos dispela bisnis dil bai givim benefit long ol seaholda.

Ol seaholda bilong InterOil bai kamap seaholda bilong Oil Search sapos ol i salim InterOil, Dokta Hession i tok.

Dokta Hession i tokim ol seaholda olsem Mista Mulacek i no



Elk-Antelope ges fil long Galp provins we InterOil na Phil Mulacek i nau resis long kontrolim.

mekim wanpela gutpela toktok long helpim ol seaholda.

Em i tok Mista Mulacek i laik kambek gen long InterOil na kontrolim bod bilong kampani long mekim ol samting long laik bilong em yet.

"Mulacek i makim em yet na arapela fopela man long kamap nupela dairekta bilong kampani.

stekholda long toktok long plen bilong Oil Search long baim InterOil.

Independen Konsiuma na Kompetisen Komisn (ICCC) i tok ol wok long toktok wantaim tupela kampani long stretim toktok larim dispela trenseksen i bihainim lo bilong kamapim kompetisen.

Yukon Suprim Kot bai mekim disisen tude (Fonde) na sapos kot i



Phil Mulacek.

Tasol ol dispela fopela man i no gat ekspirens na i no fit long ranim In InterOil i tok Dokta Hession i tok save pinis long ol institusenal seaholda long no ken bihainim toktok bilong Mulacek.

Institusenal seaholda em ol bikpela benk na arapela kampani bilong mekim investmen.

InterOil i tok Dokta Hession i tok save pinis long ol institusenal seaholda long New York, na i go long London long tokim arapela ol institusenal seaholda bilong InterOil.

CEO Peter Botten bilong Oil Search tu i stap aut long ovasis long bungim arapela ol investa na

mekim disisen long sapotim Mulacek na grup bilong em, dispela spesel miting bilong InterOil long Jun 14 bai no inap kamap, na i luk olsem Mulacek bai kam bek long InterOil na kontrolim kampani.

Mulacek i les long Oil Search i baim InterOil long K7 bilien. Sapos Mulacek i kontrolim InterOil gen, i luk olsem em bai apim veliu na prais bilong InterOil, o sapos no gat, Mulacek bai larim InterOil i bosim PRL 15 we Elk-Antelop ges fil i stap long en.

Mulacek i bin painimaut dispela bikpela ges fil taim em i bin bosim InterOil.



Dokta Michael Hession.

Nupela LNG sip i kam

KUMUL, em i nem bilong pisin tasol. Em i nem bilong sip tu. Nem bilong bilong namba tri sip bilong karim LNG kago bilong PNG LNG Projek i go long Saina, Japan na Taiwan em Kumul.

Las wik Fonde, opereta bilong PNG LNG Projek,

ExxonMobil PNG, i tokaut olsem dispela nupela sip i kam pinis long kantri long las wik Trinde taim projek i laik salim namba 200 kago bilong LNG i go aut long ol kastoma long Esia.

Long las wiken, PNG LNG Projek i salim pinis namba

200 kago bilong LNG i go aut long kantri long sip, Spirit of Hela.

Ino longpela taim i go pinis, ol i givim nem Kumul long dispela nupela sip long Saina we ol i mekim dispela sip.

Kumul em i ken karim 172,000 kiubik mita bilong LNG, longpela bilong em i 290 mita, na ExxonMobil bai satarim dispela sip bilong karim LNG long kisim LNG kago i go long Saina, Taiwan na Siapan.

Menesing Dairekta bilong ExxonMobil PNG, Andrew Barry, i tok Kumul bai karim LNG kago i go long Saina long wanpela baia bilong LNG, Sinopec.

"Mipela i amamas tru long dispela nupela sip, Kumul. Em i namba tu sip we ol i mekim long Saina yet, na Kumul bai kisim LNG kago i go long Sinopec long Saina.

"Mipela i amamas tu bikos namba 200 LNG kago i lusim pinis PNG long sip, Spirit of Hela," Mista Barry i tok.

Mista Barry i tok dispela tupela gutpela samting i

soim olsem PNG LNG projek i putim i go pas sefti samting bilong projek na sip i wok long ran gut taim ol i laik kisim LNG kago i go aut.

Bikpela siping kampani, Mitsui O.S.K Lines Ltd (MOL), bilong Japan, na East China LNG Shipping Investment Co Ltd bilong Saina, em i tupela papa ona bilong Kumul.

MOL ba opretim dispela LNG sip aninit long daireksen na tok orait bilong ExxonMobil taim em i laik kisim ol LNG kago i go kam.

In yia 2011, ExxonMobil na MOL i bin givim kontrak Hudong-Zhonghua Shipbuilding (Group) Co., Ltd., long Saina long mekim tupela sip bilong karim LNG.

Nem namba wan sip Hudong-Zhonghua i mekim em i Papua na em Papua i stat karim ol LNG long Febuari 2015.

Kumul na Papua em i tupela bikpela sip bilong karim LNG we ol i mekim long Saina.



Kumul i sua long Cautin Be long PNG LNG Plen sait long kisKuim LNG.

Tupela man i resis long Elk-Antelope ges

TUPELA man i resis long kisim ges bilong Elk-Antelope ges fil long PRL 15 long Galp Provis.

Arapela ol man i helpim dispela tupela man long pait bilong tupela long bosim bikpela ges i stap long Elk-Antelope ges fil.

Dispela tupela man em ol Peter Botten na Phil Mulacek. Mista Botten i Menesing Dairekta bilong Oil Search Limited na Mista Mulacek em i pastaimSiapan na CEO bilong InterOil Corp.

Sydney Morning Herald niuspepa i ripot olsem dispela tupela man i nau resis. Man husat i winim dispela resis bai mekim moa mani long dispela ges risos bilong PNG.

Tripela wik i go pinis, Mista Botten i tokaut long Oil Search i laik baim InterOil long K7 bilien. Dispela bai lukim InterOil bai salim PRL 15 wantaim arapela ol ges bilong em i go long Oil Search.

Ol bod ov dairekta bilong InterOil i wanbel pinis long salim kampani i go long Oil Search.

Tasol Mista Mulacek, husat i bin statim In-

terOil long yia 1997, i les long Oil Search i baim kampani.

"Net aset veliu bilong InterOil em i no K7 bilien. Ol seaholda bilong InterOil bai lusim bikpela mani sapos ol i larim Oil Search i baim InterOil," Mista Mulacek i tok.

Mista Mulacek i gat klostu long 7 pesen sea insait long InterOil.

Mista Botten i no mekim wapela toktok. Tasol ol ripot i tok em i wok long raun long ovasis long tokim ol investa long dispela bikpela trenseksen kampani bilong em i laik mekim.

Praim Minista Peter O'Neill na gavman i stap baksait long Oil Search.

Mista O'Neill i bin autim wanpela toktok olsem gavman i sapotim dispela plen bilong Oil Search long baim InterOil bikos PNG gavman i gat 10.1 pesen sea long Oil Search.

"Mipela i amamas long dispela plen bilong Oil Search long baim InterOil. Gavman na pipel bilong PNG bai kisim benefit long dispela bikos yumi gat 10.1 pesen sea long Oil Search," Mista O'Neill i tok.

O'Neill amamas long namba 200 LNG kago

PRAIM Minista Peter O'Neill i amamas long PNG LNG Projek i salim i go aut namba 200 LNG kago long ol kastoma long Esia.

Las wik, ExxonMobil PNG i tokaut long projek i salim namba 200 kago bilong LNG i go aut.

ExxonMobil i tok no gat wanpela birua o hevi i bin kamap long ran bilong sip taim ol i kisim LNG kago i go kam long Esian maket.

Mista O'Neill i tok insait long tupela yia PNG i sanap strong long ai bilong ol arapela kantri olsem wanpela kantri bilong kamapim LNG na salim long wol eneji maket.

"PNG i wok long kisim bikpela luksave long intanesenel eneji maket bikos kwaliti bilong LNG bilong yumi we ExxonMobil i mekim long PNG LNG Plant

em i gutpela kwaliti stret.

"No gat wanpela birua na hevi i bin kamap long ol LNG kago sip long ran bilong ol i go kam long PNG na long Esian maket," Mista O'Neill i tok.

Mista O'Neill i tok gavman i amamas long gutpela patnasip wantaim ExxonMobil bikos long ExxonMobil i statim projek na pinisim projek long taim stret, na tu long em i apim nem bilong PNG olsem wapela gutpela kantri long kirapim ol wol klas risos projek.

"Nau Total SA i laik statim konstraksen bilong Papua LNG Projek. Dispela projek bai apim nem bilong PNG i go moa. PNG i nau stp olsem wanpela biknem kantri bilong salim ges long intanesenel eneji maket," Mista O'Neill i tok.

Em i tok dispela bikpela

invesmen bai kirapim planti wok bilong ol manmeri PNG na dispela bai bringim moa ikononomik benefit long kantri.

"Ol bikpela kampani i wok long inves long PNG bikos ol i save olsem ikononomi bilong kantri i stap gut. Ol samting bilong holim ikononomi i stap gut wantaim politikel stability," Mista O'Neill i tok.

Mista O'Neill i tok taim ol prais bilong komoditi na eneji i wok long go daun yet, gavman i wok long kontrolim mani gut.

"Maski prais bilong ol samting i go daun tasol gavman i wok long givim sevis long ol pipel yet, kantri i wok long ran gut yet. Ol prais i save pundaun na kirap, em i no nupela samting.

"Tasol gavman i wok long menesim gut ikononomi bilong kantri," Mista O'Neill i tok.



**Buy Your Air Niugini Ticket
Anywhere, Anytime
Using BSP Mobile Banking.**



Reminders:

- > Must be a registered BSP Mobile Banking customer.
- > Obtain a booking reference with Air Niugini prior to making a phone banking payment.
- > Use your e-ticket details to Check-in at the airport or online via www.airniugini.com.pg
- > Available to Digicel and bmobile-vodafone subscribers. Mobile service charges apply.
- > Fare conditions apply.



Air Niugini
www.airniugini.com.pg



Travel Purchase Queries: 180 3444
ehelpdesk@airniugini.com.pg

Mobile Banking Registration: 320 1212 / 7030 1212
servicesbsp@bsp.com.pg www.bsp.com.pg

OTML selebretim Wol Envairmen De

OK TEDI Maining Limited (OTML) i selebretim Wol Envairmen De (WED) long Fraide Jun 3 wantaim wanpela eksibisen long Tabubil we olgeta pablik i bin kamap long lukim.

Envairmen Dipatmen bilong OTML i soim wanem kain wok dipatmen bilong ol i gat. Ol wokman na wokmeri bilong OTML wantaim ol pablik sevan, kontrakta, praimer i na sekendri skul sumatin na ol komyuniti i stap klostu i bin kamap long dispela de long lukim wanem samting OTML i wokim namel

long Tabubil taun.

OTML Menesing Dairekta na Sif Eksekutiv Opisa, Peter Graham i amamas long planti lain i kamap na em i tok tenkyu long ol sumatin husat i givim han long WED wok long dispela de.

“I amamas na tok tenkyu long ol skul husat i bin stap insait long ol resis i kamap na long ol lain husat i kamap long lukim Wol Envairmen De eksibisen bilong OTML,” Mista Graham i tok.

Em i tok WED em i de bilong kamapim awenes na OTML i amamas long helpim globol awenes long lukautim envairmen na wail laip.

Ol skul insait long Tabubil maunten na ol arere ples i bin kisim singaut long kam wantaim ol poem, posta na ol esei resis.

Mista Graham i bin givim ol prais bilong ol lain i win wantaim OTML setifiket long olgeta lain husat i bin go insait long ol kain kain resis.

OTML Envairmen Dipatmen i biahinim

bikpela toktok bilong dispela de, “Go Wild for Life-Zero Tolerance for Illegal Wildlife Trade” na putim ol piksa, posta, na mep bilong Flai Riva pis, ol wok program, poto, buk, hap hap ston long tok klia long Asit Rok Drein (ARD) wok, soim we bilong sekim ol gutpela wara, wanpela hap bilong ol samting bilong hukim na kisim pis, we na laip bilong holim ol pis insait long tenk, haidrologi ikwipmen na ol na planti moa samting we ol i save mekim.



OTML CEO na MD Peter Graham i hari wanpela OTML wokman i stori long wok bilong Asit Rok Dreines (ARD) long ol skul sumatin long taim bilong eksibisen.



OTML Envairmen Dipatmen Fil Teknisen Richard Asipali i soim ol sumatin long ol pis i stap laip yet insait long ol tenk bilong lukautim pis.

ExxonMobil PNG tingim Wol Envairmen De 2016



EMPNG wokman i givim han long planti ol diwai long Aiyo praimer i skul long Moro, Sauten Hailans provins long taim bilong tingting 2016 Wol Envairmen De.

MOA long 60 ExxonMobil PNG Limited (EMPNG wokman na wokmeri i givim taim bilong ol long wanpela de wantaim Laba Holdings Limited na Total Waste Management wantaim ol sumatin na tisa i kam long 11-pela skul bilong PNG LNG projek eria a Pot Mosbi long tingim Wol Envairmen de long Jun 3, 2016.

Ol skul we i bin stap insait long dispela de em Boera praimer i skul klostu long LNG Plen, Aiyo praimer i skul long Moro, Kapute elementri skul long Hides na 8-pela skul insait long Pot Mosbi.

Ol i tingim dispela de wantaim ol sampela pilai na skul samting biahinim bikpela tingting bilong 2016 ol Envairmen De, “Fight Illegal Wildlife Trade”.

Ol wokim awenes wantaim ol kala resis, esei, poem, posta, na ol i pilai drama long biahinim dispela bikpela tingting. EMPNG i bin givim auto l prais long ol lain i win long dispela de.

ExxonMobil PNG Limited Sekyuriti Sefti Helt Envairmen Menesa, Dennis Vidmar, i amams long lukim ol sumatin i save moa long wail laip konsevesen.

“Em i gutpela log luki olsem ol pikinini i klia long ol i mas mekim wanem long lukautim wail laip. EMPNG i save tingting gut long daunim ol kain pasin we bai bagarapim enzvairomen, long taim mipela i mekim wok, long larim dispela wail laip i stap long biahin taim tu,” Mista Vidmar i tok.



EMPNG wokman i ritim ol Poem na Posta we ol sumatin bilong Boera praimer i skul i wokim.



EMPNG SSHE Menesa, Dennis Vidmar i toktok long Coronation Praimer i Skul. Em i tok amamas long skul bilong ol i winim EMPNG Wol Envairmen De posta resis long skul 2016 Wol Envairmen De selebresen.



Dave Bhana i takolim kepten bilong Broncos, Corey Parker.

Parker i no kirap nogut long ol tok baksait

KEPTEN bilong Brisbane Broncos, Corey Parker, i no kirap nogut long ol tok baksait we ol polis long Nu Saut Wels i mekim wok painimaut long tupela gem i no kamap orait long 2015.

“Ol dispela toktok i no mekim mi kirap nogut, tasol em i mekim mi belhat,” Parker i tok.

Parker i no pilim orait olsem ragbi lig i gat narapela toktok moa i bin kamap bihain long Manly i lus egensim South Sydney na Eels long sisen i go, we ol bai lukluk long dispela.

Parker i tok, nau ol i go het long tokaut long ol stil pasin i kamap namel long ol pilaia long klap we ol pilaia i save pinis na kisim manilong bagarapim gem em i bikpela wari tru.

“Ol pilaia i bet taim gem i kamap na dispela em i no gutpela pasin na em bai bagarapim gem taim ol i tingting long bet,” Parker i tok.

Nupela toktok i kamap em, fowod bilong Canterbury, Ryan Tandy, i bin asua taim em i laik bagarapim gem egensim North Queensland.

New Zealand Warriors daunim Broncos

NEW Zealand Warriors i kisim kala bilong ol bek taim pilaia bilong ol, Shaun Johnson, i soim kala bilong em gut tru na ol i daunim ol Brisbane Broncos, 36-18.

Johnson i mekim tupela wok long wankain taim we em i painim rot bilong ol Warriors long putim trai na em yet i putim sampela trai tu, we ol i pinisim pilai wantaim 7-pela trai.

Foapela pilaia bilong ol Broncos long 6-pela pilaia husat i save pilai long Stet ov Orijin i bin pilai egensim ol Warriors tu long wankain taim.

Warriors i soim strong bilong ol na i pasim bal hariap long kamap namba 5 taim wina long dispela sisen.

Long namba 8 minit, Johnson i putim namba wan trai na rekotim skoa antap long skoa bot. Namba tu trai bilong ol Warriors i kamap we Johnson tu i stap wantaim long painim rot long putim bal long trai lain. Johnson i kikim bal i go long wing na winga bilong ol, Manu Vatuvei, i ran i go kisim bal na i salim i kam bek gen long bek rowa, Bodene Thompson, long putim trai.

Prop bilong ol Warriors,

Jacob Lillyman, i putim namba tri trai na konvesen kik bilong Johnson i skruim skoa i go antap long 18-0.

Klostu long bungim pinis bilong namba wan hap, Ol Broncos i putim wanpela trai.

Ol Warriors i putim namba 4 trai bilong ol long namba tri minit bilong namba tu hap bilong resis we pilaia bilong ol, Ryan Hoffman, i skoaim.

Ol Brisbane i putim tupela trai na bringim skoa bilong ol i go antap long 18 na ol Warriors i putim 4-pela trai long namba tu hap na daunim ol Broncos.



Albert Vete bilong ol Warriors i kisim lukluk bilong ol tripela Broncos pilaia long Auckland, Nu Silan.

Novak Djokovic i winim Roland Garros taitel

NOVAK Djokovic i joinim tenis bihain long em i daunim namba tu ples bilong British, Andy Murray, 3-6, 6-1, 6-4 na em i winim French open taitel long namba wan taim na kisim olgeta foapela gren slam kraun long wankain taim.

Djokovic em i namba tri man bihain long Don Budge na Rod Laver long kisim foapela bikpela taitel bilong tenis long wankain taim, na namba 8 man long kamap wina long Wimbledon na French, US na Australia Open.

“Dispela em i wanpela spesel na bikpela taim stret long laip bilong mi long sait



Novak Djokovic i amamas long French Open win.

bilong spot,” Novak i tok. “Nau mi pilim narapela kain samting we mi no save

pilim bipo. Mi pilim amamas bilong ol bikpela grup manmeri long Roland Garros.”

Australia i daunim West Indies long kriket resis

MITCHELL Starc i helpim Australia na pilai egensim ol West Indies na daunim ol wantaim 116 poin long kriket resis.

Starc i bin kisim bagarap long join bilong em na i bin go long operesen long Guyana. Em i bin orait bihain long 6-pela mun na i resis long tripela siris long Australia.

Ol West Indies i painim hat long strongim banis bilong ol long asples bilong ol egensim Australia.

Aaron Finch, Usman Khawaja na Steve Smith i go pas taim ol statim pilai taim Glenn Maxwell i kamap namba wan bowler bilong ol.



David Warner i katim bal egensim ol West Indies.

Ol Australia i kamap wina wantaim 6-pela wicket insait long 25.4 ova.

Starc i holim nupela bal bihain long Smith i winim tos

na ol i statim resis wantaim gutpela ova.

Australia i bin kisim sampela moa poin nating long ol i bin pilai gut.

SALLY Pearson i redi long Rio 2016 Olimpik resis

SEMPION bilong 100 mita hadel resis long Olimpik, Sally Pearson, i pinisim namba 7 ples long Diamond Lig na em i go bek long Birmingham, tasol em i redi long kamap namba wan long Rio Olimpik resis bihain long em i orait long bagarap em i bin kisim long Diamond Lig.

“Mi no gat sampela nogut tingting long dispela bikos dispela em i namba wan taim long resis bihain long wanpela yia na mi no inap komplek long dispela,” Pearson i tok.

“Mi no ran strong long taim

mipela i resis na dispela em i no asua. Tasol, mi bai traim long Rio.”

Keni Harrison long Amerika i win long taim em i klokim 12.46 seken, tasol namba wan taim we Pearson i bin klokim bipo em 12.28 seken.

Long lokal resis long Gold Coast, Pearson i bin klokim 12.75 long las mun na em i namba wan ran bipo long em i kam resis long Diamond Lig.

Sande i makim strongpela resis eksen bai kamap na em i tok em i pilim orait long resis.

“Em i gutpela long go bek gen long hap bilong resis. Mi bai resis 5-pela taim na nau em i namba wan resis bilong mi,” Pearson i tok.

Long wankain taim, nupela 400 mita rana long Australia, Morgan Mitchell, i pinisim namba 3 ples long Diamond Lig na em i nupela namba wan rekot bilong em we i bin klokim 51.25 seken.

Mitchell i kamap ples klia olsem em i bihainim lek mak bilong mama bilong em, Cathy Freeman, husat i sempion bilong 400 mita resis long Olimpik fainel.



Sally Pearson i resis long IAAF Diamond Lig long Birmingham bung.



Ramu NiCo i helpim ol famas long kamapim wok egrikalsa



Ol CCI badas bilong kakao long Lalok insait long Kostel Paiplain eria we Ramu NiCo i helpim.



Ol kakao diwai karim gut kaikai bihain long Ramu NiCo i helpim wantaim ol teknikal infomesen.



Ramu NiCo na Wold Visin i wok bung wantaim long kamapim kakao neseri long Boko asples insait long Usino LLG 31.



Ramu NiCo i givim skul na teknikal edvais long ol papagraun i mas lukautim pis tu.

OL Papa graun bilong Ramu NiCo insait long Kostal Paiplain i amamas tru long kisim helpim bilong kampani long sapotim ol long transpotim kakao nuseri long Murunas i go long wanwan ples bilong ol.

Ramu NiCo Agrikalsa Supavaisa Allan Wawah tok olsem kampani i sapotim ol fama long Erima, Didiwala na Ato wantaim kar bilong karim kakao nurseri go lusim long haus bilong ol long ol bai planim.

Em tok klostu olsem 300 fama insait long ol dispela ples i kisim pinis kakao neseri we ol i baim na kampani transpotim bilong ol.

Mista Wawah tok Insait long Public Pri-

vate Partnership program bilong Ramu NiCo wei kamapani i wokim Momoendum ov Understanding (MOU) long Basamuk long yia 2013 toktok long patnarsip wantaim gavman, Dipatmen bilong Egrikalsa na Livestock (DAL) na kakao kokonas Institut (CCI) long bringim Egrikalsa sevis i go long ol manmeri long ples.

"Insait long dispela patnarsip program Ramu NiCo i wok long helpim ol man meri insait long projek area na tu ausait long karim out teknikel trening, lojistik, na givim sapot long ol fama,"

"Komuniti empawamen em wanpela

bikpela eria mipela i wok long wokim long helpim ol manmeri long strongim wok bilong Egrikalsa," Mista Wawah tok.

Em tok Ramu NiCo givim kar long ol fama long karim nuseri ol baim long K3.00 wanwan clau kakao we i gat 10-pela kain insait long wanpela clau.

Mista Wawah tok ol manmeri insait long Kostal Paiplain i lukim sapot bilong kampani na wokim bikpla plantation kakao long skurim wok didiman go moa yet.


Em tok wankain tu Ramu NiCo insait long patnarsip program bilong em i helpim Madang District kakao neseri projek wan-

taim teknikal save na karim out trenin wantaim sapot bilong kakao Bod ov PNG.

"Madang district nau i gat 10, 000 mak nuseri wei mipela i helpim ol long wokim trening long we bilong lukautim na teknikel atwais,"

"Moa yet antap long dispela kampani i wok klostu wantaim ol DAL na CCI long karim out wok didiman long ol komuniti insait long Kostal paiplain na Basamuk Rifaineri,"

Mista Wawah tok Ramu NiCo bai sapotim yet wok didiman insait long projek eria wantaim ol patnars na wok klostu wantaim ol papa graun bilong Ramu NiCo Project.



Bikpela etletik resis bai kamap long Lae

ETLETIK PNG i lukluk long kamapim bikpela Trek na Fil Sempionsip resis long Lae, Morobe, long dispela wiken.

Sampela tim i no givim nem bilong ol na baim fi ol i makim tasol, Seketeri bilong Sempionsip resis, Philip Rehder, i tokaut olsem i gat bikpela amamas i kamap long olgeta hap long kantri.

Ol tim bai stap long Pot Mosbi, Popondetta, Manus, Nu Ailan, Is Sepik, Is Nu Briten na Wes Nu Briten, na ol bai go resis long Lae.

Ol bikepa tim tu bai stap long Hailans na i go long Lae long wankain taim. Ol tim long Hailans em Simbu, Westen Hailans na Enga

bihain long Enga i bin go pas long Provinsal Sempionsip resis long Wabag long las wiken. Long wankain taim, Tim Madang, tu bai go.

Morobe i go pas long dispela sempionsip na em bai kamap wantaim planti tim bikos i no gat wanpela kodineta i stap long kamap wantaim wanpela tim long provins.

Nominesen fi bilong dispela resis em K200 wantaim entri fi bilong ol wan wan etlit.

Ol etlit husat i no bin baim entri fi bilong ol long pinis taim long las wik Fraide em ol bai baim K10 long ol wan wan etlit.

Ol etlit husat i no join wantaim wanpela tim em ol bai baim K20 entri fi long resis.

Pistons, Sakups, na Badmix i stap top long lata

TABUBIL Gazebo Dat resis i stat pinis we nau ol i go insait long namba tri gem bilong ol na tripela tim i stap top long lata.

Diwai Pistons i stap long namba wan ples, Sakups i stap namba tu ples na Badmix i stap namba tri ples wantaim 6-pela poin, tasol skoa pesentej i makim ol long kisim ol ples.

Pistons i daunim ol Sunset, 8-4, na Sakups i daunim ol Buckets wantaim wankain poin, 8-4. Long wankain taim, ol nupela tim Ice-Breakers i resis gut tasol ol Badmix i daunim ol wantaim wanpela poin, 7-6.

Ol narapela risal bilong raun namba 3 em Dimaneng i daunim Jets 7-5, Spiders i daunim Maza, 8-4, Kuyamnok i daunim Slanzivas, 7-5, na Sims Kedewa i daunim ol Abip, husat i gren fainel wina bilong 2015 sisen wantaim 7-5 poin. Nupela tim, Papua Bese,

i daunim ol skul sumatin, Tabubil Sekenderi, we skoa i sanap olsem 10-4.

Abip i stap namba 12 ples long lata wantaim wanpela win bihain long tripela gem.

Top stat inap long raun namba wan em Andrew K bilong Tim Sakups i kisim 140 na Basa Muleng long Tim Dimaneng i kisim 121.

Top skoa inap long raun wan em Pitalok Borok bilong TSS i kisim 152 na ol narapela dat pilaia husat i kisim wankain skoa na klostu long skoa bilong Borok em Sam long Kumyanok, Mark F long Spider, Andrew K long Sakups na Abel Jim long Buckets i bin kisim 40, aninit long wan wan tim bilong ol.

Elizabeth Haoda bilong Ice-Breakers i bin kisim bikpela sekaut, 98, na namba tu em Bowan long Tim Dimaneng wantaim 80 sekaut.

Malamut na Wanga i redi

TUPELA nupela etlit, Nancy Malamut na Emmanuel Wanga, i redi gut long resis long Trek na Fil Sempionsip resis bai kamap long dispela wiken long Lae, Morobe.

Malamut na Wanga i soim kala bilong tupela gut tru long 400 mita fainel wik resis i bin kamap bipo long Sempionsip resis bai kamap.

Malamut i brukim bipo rekot bilong em, 60 seken na nau em i bin klokim 59.6 seken.

Long 400 mita resis bilong ol man, Wanga i soim kala bi-

long em we em i bin klokim 49.4 seken taim taim Ephraim Lerkin i ran bihain long em wantaim 49.15 seken long Townsville long las wik Sarere.

Peniel Joshua bilong Is Nu Briten Provins bai stap insait long dispela resis tu.

Long wankain taim, kwik rana bilong PNG, Toea Wisil, i bin go long Lae long las wik Fonde wantaim gutpela kala, bihain long em i klokim namba wan taim bilong sisen, 11.41 seken long Sarere long Townsville. Tasol Melissa Breen i kamap namba wan

long dispela taim.

Long namba tu resis, Wisil i klokim 11.40 seken wantaim Breen long Sande.

“Trek na Fil resis long Lae bai kamap wankain resis olsem ol i bin resis long Townsville long las wiken. Sapos ol rana i ran strong olsem yet, em i minim olsem bipo namba wan rekot, 11.37 seken, we Mae Koime i bin putim em i bikpela mak we ol bai winim dispela rekot long dispela wiken o nogat,” Presiden bilong Eletik PNG, Tony Green i tok.



Nancy Malamut i ran stron glong 400 mita resis.



Emmanuel Wanga i resis pas long ol narapela rana ol i bin resis wantaim.

Hunters i stap namba 4 ples



PNG SP Hunters i pilai egensim ol Northern Pride long Nesenel Futbol Stediam long las wik Sarere. Hunters i daunim ol Prides, 22-6.

PAPUA Niugini SP Hunters i stap namba 4 ples long lata bilong Intras Supa Kap resis bihain long raun namba 13.

Long namba 13 raun, Hunters i stap long namba 4 ples wantaim 18 poin we ol i bin winim 8-pela gem, lus long 4-pela gem na i stap sambai long wanpela gem.

Ol Redcliffe Dolphins i stap long namba 3 ples wantaim 18 poin bikos sampela liklik pesentej i daunim ol Hunters.

Townsville Blackhawks i stap namba wan ples yet long lata bikos em i lus long wanpela gem tasol we Hunters i daunim ol.

Hunters bai pilai egensim ol Souths Logan Magpies long Sarere long Nesenel Futbol Ste-

diam. Dispela gem bai stat long 6.30 apinun. Progresiv poin lata bilong top 6 tim em;

- 1 Townsville Blackhawks wantaim 21 poin;
- 2 Burleighy Bears wantaim 19 poin;
- 3 Redcliffe Dolphins wantaim 18 poin;
- 4 SP PNG Hunters wantaim 18 poin;
- 5 Easts Tigers wantaim 17 poin na;
- 6 Sunshine Coast Falcons wantaim 15 poin

Lupari: Divelepipim lidasip bilong PNGFA

SIAMAN bilong Nesenel Soka Lig, Isaac B. Lupari, i tok ol i mas divelepipim lidasip bilong PNGFA Futbal Asosiesen kwiktaim, sapos divelepipim bilong soka i kamap orait long kauntri.

"Taim mi go insait long soka edministresen long kantri insait long tripela yia i go, mi lukim olsem soka i gat bikpela rot long kamap bikpela, tasol i no gutpela we dispela bai no inap long kamap bikos PNGFA i no ranim soka gut," Lupari i tok.

"Wanpela grup tasol i ranim edministresen bilong soka. Liklik lain i go pas long ol wok aninit long soka edministresen. Ol dispela lain i no laikim ol senis i kamap long edministresen na ol i wokim olgeta samting aninit long pawa bilong ol yet we ol i stopim ol senis i kamap.

"Mi lukim wankain samting i bin kamap long edministresen bilong Ragbi Lig bipo. Liklik lain i ting olsem ol i kamap papa bilong dispela opis na ol i les long ol senis i kamap wantaim ol nupela aidia na divelepipim. Dispela i kilim ragbi lig long kauntri.

"Mi lukim wankain samting i kamap long soka long kauntri. Mi stat long laikim spot bikos, spot i gat planti rot bilong divelepipim kantri na tu ol wan wan pilai. Spot em i gutpela bilong lukim long ol narapela taim bilong malolo. Spot i gat bikpela strong long divelepipim kantri, tasol em i no gutpela long ol i no ranim spot gut."

Lupari i tok moa olsem, taim ol i makim em long kamap Siaman bilong NSL, ol i traim hat long painim sampela rot long kamapim ol semi-profesenel resis, tasol em i hat tru. "Em i hat tru long toktok wantaim ol lida bilong PNGFA," Lupari i tok.

"Ol i no laikim NSL long gro na em i no gutpela samting.

"NSL i mas operet olsem bisnis, sapos em i ken divelepipim. Dispela em i astingting long ol i bin makim mi long kamap siaman bilong NSL.

"Mi bin senisim bod na laik putim ol pipel i gat gutpela bekgraun na pablik edministresen. Tasol, i nogat wanpela senis i kamap long ol pas mipela i raitim insait long tripela yia na ol i rausim ol pas.

"Mi tingting long mi bai no inap go het na stap Siaman bilong NSL sapos i no gat wanpela senis i kamap long lidasip bilong PNGFA."

"PNGFA i gat nid long ol pipel i gat gutpela na smat tingting. Ol lida husat i gat laik long stekholda na gavman tu.

"Sampela wok i bin karim kaikai long bod bilong mi em,

(a) mipela i bin kamapim gen bikpela sponsasip bilong PNGFA wantaim PNG Telikom Limited;

(b) mipela i kisim sampela liklik sponsa long ExxonMobil na MRDC, na nau mipela i toktok wantaim narapela bikpela kopret enteti bilong sisen 2016 na 2017;

(c) mipela i kisim tingting bilong Nesenel Gavman na ol i redim sapot long NSL na soka. Gavman i kamapim ol spot fesiliti bilong NSL long yusim na em i givim K20 milien long Anda 20 FIFA Wol Kap, K20 milien long Nesenel Anda 20 Tim, na i toktok long helpim NSL insait long tripela yia i kam;

(d) mipela i bin go pinis long ol narapela provins long kamapim tim bilong ol long pilai long NSL resis. Ol provins husat i kamapim tim bilong ol pinis em Isten Hailans, Madang, Oro, Wes Nu Briten, na bilong 2016 na 2017 sisen em mipela bai kisim Galp, Enga na Milen Be provins;

(e) na, mipela i bin kisim hap bilong pilai em Sir Hubert Murray Stediam na em bai kamap asples pilai graun bilong NSL taim ol i pinisim."

Lupari i tok, "Toktok bilong mi i go long olgeta pipel husat i save laikim soka em i klia. Soka i ken kamap bikpela, sapos ol i senisim lidasip bilong PNGFA nau."

Vipers lus long asples



Pilala bilong Simbu Lions i putim trai.

Philemon Tame i raitim

ENGA Mioks i daunim ol Pot Mosbi Vipers long asples bilong ol Vipers long namba 8 raun bilong Digicel Kap.

Resis i kamap long Sir Hubert Murray pilai graun long Pot Mosbi we skoa bilong ol i sanap olsem 2-0.

Banis bilong tupela tim wantaim i strong we tupela i no bin kisim wanpela skoa long namba wan hap bilong resis.

Dispela resis i no kamap orait olsem wanpela profesenel gem bikos planti asua i kamap namel long tupela tim.

Long 70 minit bilong resis taim, referi i givim wanpela penalti egensim ol Mioks klostu long tupela golpos. Ol Vipers i laik kisim wanpela penalti kik, tasol Dairekta bilong Digicel Kap referi, Joe Peregua, i tok nogat long ol bai kisim penalti kik.

Referi i no kamap wan-

taim sampela gutpela disisen na menesmen bilong tupela tim na ol lain husat i lukim pilai i stap i no wanbel long em. Tupela menesmen i tokim Peregua long makim sampela gutpela referi long kontrolim Digicel Kap.

Simbu Lions na Galp Isapeas i bin pilai pas long wankain pilai graun we ol Simbu i daunim ol Isapeas, 30-20.

Ol Lions i stap pas long namba wan hap bilong pilai, 12-6.

Ol Isapeas i no westim taim long bekim trai bilong ol Lions long namba tu minit bilong namba tu hap bilong resis we Gahuna Silas i bin putim bal long trai lain. Solomon Pokari Kale i kisim tupela poin long konvesen kik na i bungim skoa, 12-12.

Lions i kisim ples bilong ol gen na i stap pas bihain long 6-pela minit taim Robin Soga i kisim tupela poin long penalti kik taim referi i givim

wanpela penalti egensim ol Isapeas.

Long 50 minit bilong resis taim, referi i bin givim wanpela penalti egensim ol Lions na Kale i kisim tupela poin gen long penalti kik na bungim skoa bilong ol Lions gen, 14-14.

Ol Lions i putim tupela trai gen na bringim skoa bilong ol i go antap long 24-14. Japheth Olik bilong ol Isapeas i putim wanpela trai long las ten minit, tasol ol Lions i stap pas yet, 24-20.

Long 74 minit, ol Lions i pasim win bilong ol wantaim wanpela trai, 30-20.

Ol Lae Snax Tigers i daunim ol Rabaul Agmark Gurias, 6-4, long asples bilong ol Rabaul long Kokopo. Hagen Eagles i kisim strong long asples bilong ol na i daunim ol Goroka Lahanis, 12-0. Wagi Tumbe i daunim ol Hela Wigmen, 16-10, long Minj, asples bilong ol Tumbe.

Ren i bagarapim Midia Pul sisen

REN long Pot Mosbi long las wik Sarere i kilim spirit bilong statim Midia Pul snuka sisen bilong 2016 long Laman Hotel.

Ren i binpundaun tasol sampela tim i pilai we namba wan snuka pilai, Kelly Yambi, na kepten, Ralph Kaina, bilong tim Data Pebbles i daunim Patrons na Papuan Black, 7-0.

Tom English na Dr Ray Korimba i bin go pas long tim Keleone na daunim nupela tim, Peoples Notice Board (PNB), 7-0 na ol Post Courier, 5-2.

Poi-Nangu i daunim Freelancers, 6-1 na Laka-toi, 4-3.

Raun namba wan na raun namba tu resis i bin kamap pinis long las wik Sarere. Siaman Tony i

welkamim olgeta lain taim ol i opim sisen 2016.

"Bikpela namba bilong pipel i pulap long opening raun na em i bikpela samting long gem bilong mipela," Tony i tok.

Dairekta bilong tonamen, Ephraim Kara, i tok, sampela tim keten i kamap wantaim sampela liklik toktok long ol lo bilong pilai tasol bihain gem i kamap orait stret.

"Sampela nupela tim i bin pilai tu long taim ol i opim sisen, tasol tupela namba wan raun i kamap orait stret," Kara i tok.

Olgeta tim i gat tripela wik inap long Jun 25 long pinisim K1, 500 rejisresen fi bilong ol na ol bai kam wantaim ful yunifom.



Midia Pul sisen 2016 resis i stat long las wik Sarere.

LinkPNG

Call now for great value one way fares

Call toll free on 180 5465 visit www.airniugini.com.pg or email sales.linkpng@airniugini.com.pg for further information.



LinkPNG 
A Subsidiary of Air Niugini



**Ol piksa bilong Pom
Sabeben Ragbi Lig resis
long Kone Tigers pilai graun**



BLOKIM EM: Pilai bilong Talapia i laik blokim trai egensim ol tasol trai i kamap pinis.



Paniu bilong Guria i go daun long putim trai long pilai bilong ol wantaim Isapea long Kokopo long raun 7 bilong Digicel Kap. Gurias i win 30-0. *Poto: Nicky Bernard*



KIRAP NA PILAIM BAL: Pilaia bilong Tim Wildlife i laik kirap na pilaim bal taim birua pilaia i takolim em.



Tupela bikpela fowod bilong Stop N Shop Vipers i bung long daunim pilai bilong Enga Mioks long Digicel Kap ragbi resis long Mosbi. Moiks i win 2-0. *Poto: Nicky Bernard*



TAKOLIM EM: Wildlife pilaia i givim solda tas long birua pilaia.



Bland Abavu i lukluk long sapot pilaia bilong em taim tupela pilai bilong Northern Pride i takolim em long raun 13 pilai bilong ol long NFS long Mosbi. Hunters i win. *Poto: Nicky Bernard*



DIANA
Tuna

Niupela Swit Teist
Nau Igat Moa Oil!

PNG's ORIGINAL TUNA

Manufactured by:
RD TUNA CANNERS LTD.

Teteh bai pilaim 50 game

Hunters mas win long go antap gen long poin lata

Nicky Bernard i raitim

PNG SP Hunters namba wan senta bilong ol, Thompson Teteh, bai pilaim namba 50 gem bilong em wantaim tim bilong em SP Hunters long dispela Sarere long Nesenel Futbal Stadium.

Teteh i bin stap insait long Hunters tim klostu tripela yia nau taim SP Hunters i go insait long Kwinslen Kap resis long 2014.

Em i bin stat pilai ragbi long skul bois na bihain em pilai wantim tim bilong provins bilong em Goroka Lahanis long Digicel Kap resis. Em i bin lusim Lahanis na go pilai wantaim Lae Snex Tigers long 2013 na mekim go insait long skwat bilong Hunters long 2014.

Long las wiken em bin pilai 49 gem bilong em taim ol i bungim Northern Pride, em i bin putim wanpela trai long

mekim win bilong SP Hunters.

Long dispela wiken em bai pilai 50 gem bilong em wantaim tim bilong em SP Hunters long hom graun bilong ol Nesenel Futbal Stadium.

Hunters mas winim dispela pilai long go antap gen long lata bihain long tupela lusim bilong ol tupela wiken go pinis.

Long las wiken win blong ol egensim Pride i bringim ol i kam antp gen long namba foa ples long lata na sapos win bilong ol gen long dispela wiken bai lukim kam namba tri long lata.

Hunters i gat tripela pilai bilong ol long hom graun bilong ol long NFS na sapos dispela tripela win bai lukim ol sindaun gut long poin lata.

Gem long dispela wiken bai kik ov long 6:30pm na ol ticket bai stap long olgeta Big Rooster insait long Pot Mosbi.



TETEHA TRAI TAIM: Thompson Teteh i ran we long pilai bilong Northern Pride na go putim trai bilong Hunters.

Taim yu senisim nepi bilong bebi bilong yu

Senisim long Sensi

Good Products, Better Prices, ikam long

 **Johnstons Pharmacies Ltd**

P.O.Box 1066, Boroko, Papua New Guinea.

Tel +675 325 3185 Fax +675 325 0190 Email sales@johnstons.com.pg

